

四庫全書

史部

欽定四庫全書

西漢年紀卷九

宋 王益之 撰

景帝

孝景皇帝諱啟孝文中子也母竇皇后孝文在代時前王后有二男及竇后得幸前后死及三子更死故帝得

立

考異曰此史記本紀所載也漢書作文帝太子史記以為中子史記作三男漢書外戚傳云竇姬至代代

王獨幸竇姬

生女嫫毐孝惠七年生景帝代王王后生四男先代王未入立為帝而王后卒及代王為帝後王后

所生四男更病死以漢書之辭較之史記後七年六月乙巳所載則史遷之用意深矣今從史記

已立太子妃薄氏為皇后

外戚傳

乙卯

恩澤侯表

封皇太后弟

竇廣國為章武侯長君先死封其子彭祖為南皮侯

外戚

傳

考異曰荀紀載章武事於後七年文帝未崩之前

非也竇太后欲侯王信景帝曰南皮章武先帝不侯及

臣即位始侯之是廣國之封非文帝時明矣文帝以六

月己亥崩廣國以六月乙卯封時文帝崩已十六日矣

荀悅徒以漢表載文帝後七年封故附

於文帝未崩之前是蓋失於不考耳

帝既立廷尉張

釋之恐稱疾欲免去懼大誅至欲見則未知何如用處

士王生計卒見謝帝不過也

釋之傳

九月有星孛於西方

紀本其本直尾箕末指虛危長丈餘及天漢十六日不見

五行志

元年夏四月初文帝尊寵楚元王子生爵比皇子帝即

位以親封元王寵子四人

表以四月乙巳封

禮為平陸侯富為

休侯歲為沈

音審

猶侯甄

古藝字

為宛朐侯

楚元王傳

至是以平

陸侯禮為宗正

百官表皇族為之

杜氏通典曰宗正而漢皆以他姓至晉始兼以庶姓

匈奴入代

史記紀

遣御史大夫青至代下與匈奴約和親

漢書本紀

考異曰按史記本紀云匈奴入代與約和親漢書本紀止書遣御史大夫至代下與匈奴和親而

不書匈奴入代使匈奴不入代青當至單于庭約可也何由至於代乎今從史記又漢書本紀作御史大夫青

翟說者遂指為莊青翟殊不知莊青翟乃武帝時人未嘗及事景帝也按百官表是時陶青為御史大夫翟字為衍當是流俗妄加小顏之說為是今從之刊去翟字五月令民半出田租三十

而稅一年食貨志考異曰食貨志以為二年今從史記漢書本紀載於元年廷尉張釋之

以前過出為淮南相釋之傳考異曰按釋之傳事景帝歲餘為淮南相帝以去年六月

即位至元年七月謂之歲餘可也本紀元年秋七月詔議有廷尉信名今書釋之之去於其前秋七月

詔曰吏受所監臨以飲食免重受財物賤買貴賣論輕

廷尉與丞相更議著令紀本又詔曰加笞與重罪無異幸

而不死不可為人其定律笞五百曰三百笞三百曰二

百

刑法志律之後

考異曰刑法志以為元年今載於定臧吏按原本無吏受所監臨以飲食至更議著

令一段以考異觀之當是脫落今補入

分置左右內史

百官表

考異曰漢書百官表以為

二年按鼂錯為左內史在元年宜得二年方分置耶今移於此

以中大夫鼂錯為左內

史

百官表

以太中大夫周仁為郎中令周仁為人陰重不

泄常衣敝補衣溺袴故為不潔清以是得幸入卧內於

後宮祕戲仁常在旁終無所言上時問人仁曰上自察

之然亦無所毀如此帝再自幸其家

周仁傳

以太子太傅

石奮為九卿帝以其迫近憚之徙奮為諸侯相奮長子

建次甲次乙次慶皆以馴行孝謹官至二千石於是帝

曰石君及四子皆二千石人臣尊寵廼舉集其門凡號

奮為萬石君

石奮傳

初文帝嘗病癰鄧通常為上噉

山角反

吮

自充反

之上不樂從容問曰天下誰最愛我者乎通曰

宜莫若太子太子入問疾上使太子齧

仕客反

癰太子齧

癰而色難之已而聞通嘗為上齧之太子慙繇

讀與由同是

心恨通及文帝崩太子立鄧通免家居居無何人有告

通盜出徼外鑄錢

顏曰徼猶塞也東北謂之塞西南謂之徼塞者以障塞為名徼者取徼遮

之義徵音
工鈞反

下吏驗問頗有遂竟案盡沒入之適竟不得

名一錢寄死人家

鄧通傳

二年冬十月楚王戊趙王遂梁王武來朝

火記表

春三月

甲寅立皇子德為河間王

都樂城

閼為臨江王

都江陵

餘為

淮陽王

都陳

非為汝南王

都平輿

彭祖為廣川王

都信都

發為

長沙王

都臨湘書本紀

德閼栗姬子餘非程姬子彭祖賈夫

人子發唐姬子也唐姬故程姬侍者帝召程姬程姬有

所避不願進而飾侍者唐兒使夜進上醉不知以為程

姬而幸之遂有身已乃覺非程姬也及生子因名曰發

以其母微無寵故王卑濕貧國

五宗世家

以中郎將衛綰為

河間王太傅帝立歲餘不孰何綰綰日以謹力帝幸上

林詔綰參乘還而問曰君知所以得參乘乎綰曰臣代

戲車士幸得功次遷待罪中郎將不知也上問曰吾為

太子時召君君不肯來何也對曰死罪病上賜之劍綰

曰先帝賜臣劍凡六不敢奉詔上曰劍人之所施

戈反

易獨至今乎綰曰具在上使取六劍劍常盛

音未嘗服

也郎官有譴常蒙其罪不與它將爭有功常讓它將上

以為廉忠實無它腸乃拜綰為河間王太傅

綰傳

河間王

修學好古實事求是從民得善書必為好寫與之留其

真金帛賜以招之繇

與由同

是四方道術之人不遠千里

或有先祖舊書多奉以奏河間王者故得書多與漢朝

等是時淮南王安亦好書所招致率多浮辯河間王所

得書皆古文先秦舊書周官尚書禮禮記孟子老子之

屬皆經傳說記七十子之徒所論其學舉六藝立毛氏

詩左氏春秋博士

河間王傳

趙人貫公嘗從賈誼受所為左

氏傳訓故以貫公為博士

儒林傳

河間王修禮樂被服儒

術造次必於儒者山東諸儒多從而游

河間王傳

夏四月壬

午太皇太后薄氏崩

漢書紀

天子朝臣並居重服

通典葬南

陵用吕后不合葬長陵故特自起陵近文帝

外戚傳

六月

先是鄼侯蕭則有罪免至是帝制詔御史故相國蕭何

高皇帝大功臣所與為天下也今其嗣絕朕甚憐之其

以武陽縣戶二千封則弟嘉為列侯

漢書本紀功臣表

蕭何傳考異曰

漢書本紀作蕭係而蕭何傳及功臣表皆作嘉當是紀誤今從傳表八月丁巳以御史大

夫開封侯陶青為丞相

荀紀

考異曰百官表作丁未荀紀作丁巳按長歷是年八月

丙辰朔則丁巳乃八月初二日而丁未先於丙辰九日則是八月無丁未明矣荀紀之書如此蓋是時本猶未誤龜錯拜御史大夫亦以丁巳是與陶青之相蓋同一日也今從荀紀

太史公曰自申屠嘉死之後開封侯陶青桃侯劉

舍為丞相及今上

謂武帝也

時柏至侯許昌平棘侯薛

澤武強侯莊青翟高陵侯趙周等為丞相皆以列

侯繼嗣

七角反

姪廉謹為相備員而已無所能發

明功名有著於當世者

以鼂錯為御史大夫錯說上曰昔高帝初定天下昆弟少諸子弱大封同姓故孽子悼惠王王齊七十二城庶弟元王王楚四十城兄子王吳五十餘城封三庶孽分天下半今吳王前有太子之隙詐稱病不朝於古法當誅文帝不忍因賜几杖德至厚也不改過自新乃益驕恣公即山鑄錢煮海為鹽誘天下亡人謀作亂逆今削之亦反不削亦反削之其反亟禍小不削之其反遲禍

大吳王因請諸侯之罪過削其支郡奏上上令公卿列

侯宗室雜議莫敢難獨詹事實嬰爭之繇此與錯有隙

錯嬰實太后從兄子也喜賓客孝文時嘗為吳相嬰時

趙王有罪削其常山郡膠西王卬以賣爵事有姦削其

六縣吳王

三年冬十月楚王戊據吳王梁王武河間王德廣川王

彭祖來朝史記御史大夫鼂錯言楚王戊往年為薄太

后服私姦服舍請誅之詔赦削東海郡吳王戊乃與吳

通謀鄒陽奏書諫吳王吳王不納其言是時帝少弟梁

王貴盛亦待士於是鄒陽枚乘嚴忌知吳不可說皆去

之梁

鄒陽傳

膠東下客人年七十餘生角角有毛

荀氏漢紀

十

一月白項烏與黑項烏共鬪楚國苦縣白項烏不勝墮

泗水中死者過半

荀氏漢紀

十二月吳城門自傾大船自覆

荀氏漢紀

鼂錯所更令三十章諸侯謹譁錯父聞之從潁川

來謂錯曰上初即位公為政用事侵削諸侯疏人骨肉

口讓多怨公何為也錯曰固也不如此天子不尊宗廟

不安父曰劉氏安矣而鼂氏危吾去公歸矣遂飲藥死

曰吾不忍見禍逮身

錯傳七國反

考異曰錯傳謂後十餘日按七國以正月反錯父之

死當在前今附於十二月末

春正月諸侯既新削罰震恐多怨錯及

削吳會稽豫章郡書至吳王遂先起兵丙午誅漢吏二

千石以下

考異曰史記吳王濞傳載云吳王遂先起兵膠西正月丙午誅漢吏二千石以下後又云

孝景帝三年正月甲子起兵於廣陵所載不同如此按劉義叟長歷是年正月癸未朔而丙午乃二十四日也

此月無甲子當以丙午為是今從之楚削書至王戊遂應吳王反其相張

尚太傅趙夷吾諫不聽遂殺尚夷吾起兵會吳

楚事據楚元王

傳膠西膠東菑川濟南趙亦皆反趙相建德內史王悍

諫王遂不聽遂燒殺建德悍發兵住其西界欲待吳楚

俱進北使匈奴與連和

趙事據趙王傳

齊王將閭後悔背約城

守濟北王志城壞未完其郎中令劫守王不得發兵

吳王

傳吳使使至淮南淮南王安欲發兵應之其相曰王必

欲應吳臣願為將王乃屬

反欲

之相已將兵因城守不

聽王而為漢吳使者至廬江廬江王賜不應至衡山衡

山王勃堅守無二心

淮南王傳

膠西王卬為渠率與膠東菑

川濟南共攻圍臨菑吳王濞悲其士卒下令國中曰寡人年六十二身自將少子年十四亦為士卒先諸年上與寡人比下與少子等者皆發發二十餘萬人南使閩東越閩東越亦發兵從吳王西涉淮因併楚兵發使遺諸侯書曰吳王劉濞敬問膠西王膠東王菑川王濟南王趙王楚王淮南王衡山王廬江王故長沙王子幸教寡人以漢有賊臣錯無功天下侵奪諸侯地使吏劾繫訊治以僂辱之為故不以諸侯人君禮遇劉氏骨肉絕

先帝功臣進任姦女究誑亂天下欲危社稷陛下多病志
逸不能省察欲舉兵誅之謹聞教敝國雖狹地方三千
里人民雖少精兵可具五十萬寡人素事南越三十餘
年其王諸君皆不辭分其兵以隨寡人又可得三十餘
萬寡人雖不肖願以身從諸王南越音直長沙者因王
子定長沙以北西走蜀漢中告越楚王淮南三王與寡
人西面齊諸王與趙王定河間河內或入臨晉關或與
寡人會碓陽燕王趙王故與胡王有約燕王北定代雲

中轉胡衆入蕭關走音奏長安匡正天下以安高廟願王

勉之楚元王子淮南三王或不洗沐十餘年怨入骨髓

欲一有所出久矣寡人未得諸王之意未敢聽今諸王

苟能存亡繼絕振弱伐暴以安劉氏社稷所願也敝國

雖貧寡人節衣食之用積金錢修兵革聚穀食夜以繼

日三十餘年矣凡皆為此願諸王勉之能斬捕大將者

賜金五千斤封萬戶列將三千斤封五千戶裨將二千

斤封二千戶二千石千斤封千戶皆為列侯其以軍若

城邑降者卒萬人邑萬戶如得大將人戶五千如得列將人戶三千如得裨將人戶千如得二千石其小吏皆以差次受爵金他封賜皆倍常法其有故爵邑者更益勿因願諸王明以令士大夫弗敢欺也寡人金錢在天
下者往往而有非必取於吳諸王日夜用之弗能盡有
當賜者告寡人寡人且往遺之敬以聞七國反書聞上
大赦天下吳王傳本紀與鼂錯議出軍事錯欲令上自將而
身居守不用乃拜條侯周亞夫為太尉將三十六將軍

往擊吳楚

考異曰灌夫傳云吳楚反時潁陰侯灌何為將軍屬太尉請灌益為校尉其子夫以十人

與父俱韓王信傳云吳楚反時弓高侯功冠諸將直不疑傳云吳楚反時不疑以二千石將擊之李廣傳云吳楚反時廣為驍騎都尉從太尉亞夫戰昌邑下顯名以梁王授廣將軍印故還賞不行又按表程嘉公孫昆邪蘇息皆以將軍擊吳楚所謂三十六遣曲周侯酈寄擊將軍其可見者纔如此餘皆無考

趙將軍藥布擊齊曲城侯蟲提將兵救淮南王

見淮南王傳

拜竇嬰為大將軍屯滎陽監齊趙兵上察宗室諸竇無

如嬰賢召入見固讓謝稱病不足任太后亦慙於是上

曰天下方有急王孫

嬰字

寧可以讓邪乃賜金十斤

竇嬰吳王

漢時汝南王非年十五有材氣上書自請擊吳帝賜非

將軍印

此事據江都王傳

詔河間王太傅衛綰將河間兵擊吳

楚

衛綰傳

鼂錯素與袁盎有却錯以盎前為吳相宜知王

謀而蔽匿不言使至於是欲請治盎

荀紀

丞史曰事未發

治之有絕今兵西向治之何益且盎不宜有謀錯猶與

未決人有告盎盎恐夜見竇嬰為言吳所以反願至前

口對狀嬰入言上乃召盎

考吳曰吳王傳云吳楚反書聞兵未發竇嬰言故吳相袁

盎蓋是時嬰雖為大將軍猶未行也

盎入見曰吳楚相遺書言賊臣鼂錯

擅謫諸侯削奪之地以故反方今計獨有斬錯則兵可

毋血刃而俱罷於是上曰吾不愛一人謝天下壬子

兩字

見百官表廼使中尉召錯給載行市錯衣朝衣斬東市

錯傳

太史公曰鼂錯明於世務刑名數干諫上曰今大

國專治異政不稟京師恐不可傳後帝用其計而

七國畔逆以錯首名天子誅錯以解難是後官者

養交安祿而已莫敢復議

禮書

周亞夫至雒陽見劇孟喜曰七國反吾乘傳至此不自

意全且舉大事而不求劇孟吾知其無能為已

遊俠傳並事見

孟今無動吾據滎陽滎陽以東無足憂者亞夫問故絳

侯客鄧都尉曰策安出客曰吳楚兵銳甚難與爭鋒楚

兵輕不能久方今為將軍計莫若引兵東北壁昌邑以

梁委吳吳必盡銳攻之將軍深溝高壘使輕兵絕淮泗

口塞吳餉道使吳梁相敵而糧食竭乃以全制其極破

吳必矣條侯曰善從其策

考異曰此見吳王漢傳亞夫傳謂亞夫未發長安時自請

於上曰楚兵剽輕難與爭鋒願以梁委吳絕其食道即鄧都尉之策也亞夫因鄧都尉之言而從其計豈得先

為上言之本傳之誤可見荀紀不載亞夫所請事得之矣今從之

吳攻梁急梁請救亞

夫引兵東北走

音

深壁而守梁王使使請亞夫亞夫守

便宜不往又使使愬條侯於上上使人告條侯救梁亞

夫不奉詔堅壁不出而使弓高侯等將輕騎兵出淮泗

口絕吳楚兵後食道梁使韓安國及楚死事相弟張羽

為將扞吳兵於東界時丁寬亦為梁將軍號丁將軍

寬傳

云寬嘗從田何受易作易說三萬言訓故舉大誼而已

羽力戰安國持重乃得頗

敗吳兵

亞夫吳王韓安國傳通鑑

枚乘獻書諫吳王曰

枚乘本仕吳去之梁今吳

兵圍梁故以書諫也昔秦西距胡戎之難北備榆中之關南距羗

笮才各反之塞東當六國之從六國併力一心以備秦然

卒滅六國而并天下是何也地利不同而民輕重不等也今漢據全秦之地兼六國之衆此其地與秦相什而民相百大王所明知也今佞諛之臣不論骨肉之義民之輕重國之大小以為吳禍此臣所以為大王患也夫舉吳兵以訾於漢譬猶蠅蚋之附羣牛腐肉之齒利劍鋒刃始接則無事矣天子聞吳率失職諸侯責先帝之

遺約親誅其三公以謝前過是大王之威加於天下而功越於湯武矣夫吳有諸侯之位而實富於天子有隱匿之名而居過於中國此臣之所以為大王樂也今大王還兵疾歸尚得十半不然漢知吳有吞天下之心赫然加怒羽林黃頭循江而下襲大王之都虜東海之地絕吳餉道梁王飭車騎習戰射積粟固守以備滎陽待吳之飢大王雖欲反都亦不得已今大王去千里之國而制於十里之內張韓將北地弓高宿左右兵不得下

壁軍不得休息臣竊哀之願大王熟察焉吳王不聽乘

傳荀紀二月吳王兵既破敗走於是天子制詔將軍蓋聞

為善者天報以福為非者天報以殃高皇帝親垂功德

建立諸侯幽王悼惠王絕無後孝文皇帝哀憐加惠王

幽王子遂悼惠王子卬等令奉其先王宗廟為漢藩國

德配天地明並日月而吳王濞背德反義誘受天下亡

命罪人亂天下弊稱疾不朝二十餘年有司數請濞罪

孝文皇帝寬之欲其改行為善今乃與楚王戊趙王遂

膠西王卬濟南王辟光菑川王賢膠東王雄渠約從謀
反為逆無道起兵以危宗廟賊殺大臣及漢使者迫劫
萬民伐殺無罪燒殘民家掘其邱壠甚為虐暴而卬等
又重逆無道燒宗廟鹵御物朕甚痛之朕素服避正殿
將軍其勸士大夫擊反虜擊反虜者深入多殺為功斬
首捕虜比三百石以上皆殺無有所置

吳王傳

壬午晦日

有食之

五行志

考異曰

五行志作壬午

漢書紀作壬午

晦日非二月也

百官表

罷錯以

正月壬子

要斬而二月

癸丑

三月吳王走保東

朔則晦日為壬午無疑今從五行志

三月吳王走保東

越東越殺吳王吳王子子華子駒亡走閩越吳王之棄
其軍亡也軍遂潰往往稍降太尉梁軍楚王戊軍敗自
殺吳楚破而梁所殺虜略與漢中分

吳王梁
孝王傳

太史公曰吳王之王由父省也能薄賦斂使其衆
以擅山海利逆亂之萌自其子興爭技發難卒亡
其本親越謀宗竟以夷隕鼃錯為國遠慮禍反近
身袞益權說初寵後辱故古者諸侯地不過百里
山海不以封母親夷狄以疏其屬蓋為吳邪毋為

權首反受其咎豈益錯邪

夏六月條侯周亞夫平吳楚歸置太尉官以處之本已傳

已封竇嬰為魏其侯

考異曰史記表作乙已漢書外戚表作已已按長歷是年六月辛亥

朔無乙已有已已當是史記表誤今從漢書外戚表川本漢書亦有作乙已者諸游士賓客爭

歸魏其侯每朝議大事條侯魏其侯諸列侯莫敢與亢

禮

竇嬰傳

騎郎將李廣以驍騎都尉從太尉亞夫戰昌邑

下顯名以梁王授廣將軍印故還賞不行李廣傳時潁陰

侯灌何

灌夫傳

弓高侯韓頽當

韓王信傳

平陽侯曹奇直不疑

程嘉蘇息公孫昆邪

功臣表

皆從軍唯弓高侯功冠諸將

韓王信傳

以袁盎為楚相盎嘗上書不用病免

盎傳

太史公曰袁盎雖不好學亦善傳會仁心為質引

義慷慨遭孝文初立資適逢世時以變易

張晏曰謂景帝

及吳楚一說說雖行哉然復不遂鼂錯為家令時

數言事不用後擅權多所變更欲報私讎反以亡

軀語曰變亂古常不死則亡豈錯等謂耶

四年夏四月己巳立皇子榮為皇太子

漢書本紀按原本無立皇太

子事與下文考異不合蓋傳寫脫落今補入使魏其侯竇嬰為太子太傅竇嬰

傳時梁王最親有功又為大國居天下膏腴地多大縣

梁王太后少子愛之賞賜不可勝道於是梁王築東苑

方三百餘里廣睢陽城七十里考異曰通鑑此段載於景帝二年按梁王本傳

云吳楚破明年漢立太子梁最親有功云云立太子既在四年此事在四年無疑今附於立太子之後大

治宮室為復道自宮連屬於平臺三十餘里得賜天子

旌旗從千乘萬騎出稱警入言趨漢儀注皇帝輦動左右侍帷幄者稱警出

殿則傳趨止人清道也擬於天子招延四方豪傑自山東游士羊

勝公孫詭鄒陽之屬莫不至詭多奇計初見日王賜千

金官至中尉號曰公孫將軍多作兵弩弓數千萬而府

庫金錢且百鉅萬珠玉寶器多於京師

梁孝王傳

六月乙亥

徙汝南王非為江都王治吳故國以軍功賜天子旌旗

世家秋七月臨江哀王闕薨無後國除

本紀年表考異曰自七國反

後諸侯有名無實其始終不書有故則書

是歲南皮侯竇彭祖為奉常

百官表

五年冬十月戊戌日有食之

考異曰漢書本紀書於四年之末又有晦字非也蓋

自未更太初歷以前不應冬十月在歲終故呂氏大事記移於五年之首按長歷是年十月癸酉朔而戊戌乃

二十六日書晦字
亦非今刊去之

周人以商賈為資劇孟以俠顯行大

類朱家而好博多少年之戲孟母死自遠方送喪蓋千

乘及孟死家無十金之財而符離王孟亦以俠稱江淮

之間是時濟南閻氏陳周膚亦以豪聞帝聞之使使盡

誅此屬其後代諸白梁韓毋辟陽翟薛況陝寒孺紛紛

復出焉

游俠傳 考異曰此事見游俠傳不知其時以濟南閻氏事觀之乃在鄆都為濟南守之前帝

閻閻氏豪猾以都為濟南守至則誅滅閻氏首惡餘皆殷粟至七年則都已自濟南守為中尉以勢推之當是

五年今附
於年末

六年冬十二月雷霖雨

紀本

先是藥布衛綰程嘉公孫昆

邪蘇息皆以擊吳楚有功夏四月丁卯封布俞侯綰建

陵侯嘉建平侯己巳封昆邪平曲侯壬申封息江陽侯

表侯秋九月皇后薄氏廢初帝為太子時薄太后娶以為

妃及立為皇后母寵母子太后崩故廢

史記外戚世家

七年冬十月梁王武入朝帝使使持乘輿馬迎梁王於

闕下既朝上疏因留以太后故入則侍帝同輦出則同

車游獵上林中梁之侍中郎謁者著

竹畧反

引籍出入天

子殿門與漢宦官無異梁王十一月乙丑廢太子榮為

臨江王

史記大事記
冬按火記年表

考異曰漢紀作正月史記紀作十一月乙丑太子廢又漢書

梁王傳云十一月上廢栗太子按諸書當是漢書本紀
誤又通鑑作十一月己酉按長歷十一月辛酉朔無己
酉而乙丑乃十一月初五日當
是通鑑為誤今從史記年表 榮母栗姬齊人也初燕

王臧荼有孫女曰臧兒嫁槐里王仲生男信與兩女而

仲死更嫁長陵田氏生男蚡勝文帝時臧兒長女為金

王孫婦生一女矣臧兒卜筮之曰兩女皆當貴臧氏乃

奪金氏婦金氏怒不肯予決乃內之太子宫太子幸愛

之方在身時夢日入懷以告太子太子曰此貴徵也未
生而文帝崩帝即位王夫人生男徹先是臧兒又入其
少女兒姁況羽反兒姁生四男栗姬男最長立為太子長

公主嫖有女欲子為妃栗姬妬而帝諸美人皆因長公
主見得貴幸過栗姬栗姬日怨怒謝長公主不許長公
主欲與王夫人男王夫人許之長公主怒而日讒栗姬
短於帝曰栗姬與諸貴夫人幸姬會帝使侍者祝唾其
背挾邪媚道帝以故望之帝常體不安心不樂屬諸子

為王者於栗姬曰百歲後善視之栗姬怒不肯應言不
遜帝恚心嗾之而未發也長公主日譽王夫人男之美
帝亦賢之又有曩者所夢日符計未有所定王夫人知
帝嗾栗姬因怒未解陰使人趣大臣立栗姬為皇后大
行奏事畢曰子以母貴母以子貴今太子母無號宜立
為皇后帝怒曰是而所宜言邪遂按誅大行而廢太子
外戚世家太尉條侯周亞夫太子太傅魏其侯竇嬰固爭
家過鑑不得周亞夫栗姬愈恚恨不得見以憂死外戚家竇嬰謝

病屏居藍田山下諸賓客辨士說莫能來梁人高
遂乃說嬰曰能富貴將軍者上也能親將軍者太后也
今將軍傳太子太子廢爭不能拔又不能死自引謝病
擁趙女屏間處而不朝音加抵音加懟音類反音類自明揚主之過
有如兩宮寶嬰將軍則妻子無類矣嬰然之乃起朝請如
故寶嬰傳寶嬰栗太子既廢太后心欲以梁王為嗣梁王與帝
俱侍坐於太后前太后謂帝曰吾聞殷道親親周道尊
尊其義一也安車大駕用梁王為寄帝跪席舉身曰諾

罷酒出帝召袁盎諸大臣通經術者曰太后言如何
謂也皆對曰太后意欲立梁王為帝太子帝問其狀袁
盎等曰殷道親親者立弟周道尊尊者立子殷道質質
者法天親其所親故立弟周道文文者法地尊者敬也
敬其本始故立長子周道太子死立嫡孫殷道太子死
立其弟帝曰於公何如皆對曰方今漢家法周周道不
得立弟當立子故春秋所以非宋宣公宋宣公死不立
子而與弟弟受國死復反之與兄之子弟之子爭之以

為我當代父後即刺殺兄子以故國亂禍不絕故春秋
曰君子大居正宋之禍宣公為之臣請見太后白之袁
盎等入見太后曰太后言欲立梁王梁王即終欲誰立
太后曰吾復立帝子袁盎等以宋宣公不立正生禍禍
亂後五世不絕小不忍害大義狀報太后太后乃解說
即使梁王歸就國史記褚先生補中尉衛綰賜告歸濟南閻氏
宗人三百餘家豪猾二千石莫能制帝拜鄧都濟南守
至則誅閻氏首惡餘皆股栗居歲餘郡中不拾遺旁十

餘郡守畏都如大府至是帝既廢栗太子誅栗卿之屬以衛綰為長者不忍乃賜告歸而以郅都為中尉捕治

栗氏

酷吏傳
衛綰傳

太史公曰導之以政齊之以刑民免而無恥導之以德齊之以禮有恥且格孔子之言老氏稱上德不德是以有德下德不失德是以無德法令滋章盜賊多有信哉是言也法令者治之具而非制治清濁之源也昔天下之網嘗密矣然姦偽萌起其

極也上下相遁至於不振當是之時吏治若救火
揚沸非武健嚴酷惡能勝其任而愉快乎言道德
者溺其職矣故曰聽訟吾猶人也必也使無訟乎

夫子之下士聞道大笑之言也

老子之言也

非虛言也漢興

破觚而為圜斲雕而為朴網漏吞舟之魚而吏治
蒸蒸不至於姦黎民艾安由是觀之在彼不在此
高后時酷吏獨有侯封刻轢宗室侵辱功臣呂氏
已敗遂禽侯封之家孝景時鼂錯以刻深頗用術

輔其資而七國之亂發怒於錯錯卒以被戮其後
有郅都甯成之屬

夏四月乙巳立皇后王氏丁巳立膠東王徹為皇太子

本名故中尉衛綰為太子太傅

綰傳

按原本作夏四月乙巳名故中尉衛綰

為太子太傅以史考之綰之為太傅並無月日蘭陵王

臧為少傅

中公傳

陳人鄭當時北地公孫賀為舍人

當時賀傳

濮陽汲黯司馬安為洗馬黯以嚴見憚

汲黯傳

賀昆邪孫

也賀傳六月乙巳丞相青免以太尉周亞夫為丞相時廉

音人趙禹為丞相史府中皆稱其廉平然亞夫弗任曰

極知禹無害然大深不可以居大府

百官表趙禹傳按原本無六月乙

已亞夫為丞相事趙禹為史句殊無緣起又誤屬夏四月之前今為補入並移於此

中元年夏四月乙巳赦天下賜民爵一級除禁錮

史記本紀

二年春二月令諸侯王薨列侯初封及之國典客奏謚

誅策

考異曰漢書本紀作大鴻臚按百官表景帝中六年更典客為大行令武帝太初元年更名大行令

為大鴻臚在景帝中二年未得以大鴻臚為稱也當是武帝世記事者之辭孟堅失於更革耳今改作典客

列侯薨及諸侯太傅初除之官大行奏謚誅策王薨遣

中大夫弔襚祠賵視喪事因立嗣子列侯薨遣太中大

夫弔祠視喪事

考異曰漢書本紀作光祿大夫按百官表武帝太初元年更名中大夫為光祿

大夫秩比二千石則景帝世未有所謂光祿大夫此亦追叙者之辭今改作中大夫因立嗣其薨

葬國得發民輓喪穿復土治墳無過三百人畢事

漢書本紀

臨江王榮坐侵廟墺地為宮上徵榮榮行祖於江陵北

門既上車軸折車廢江陵父老流涕竊言曰吾王不反

矣三月榮至請中尉府對簿中尉郅都簿

薄戶反

責訊王

王恐欲得刀筆為書謝上而都禁吏弗與魏其侯使人

閻子臨江王臨江王既得為書謝上因自殺葬藍田燕
數萬銜土置冢上百姓憐之榮最長亡子國除竇太后
聞之怒以危法中都都免歸家帝乃使使即拜都為鴈
門太守便道之官顏曰不令至得以便宜從事匈奴素

闕陳謝也

聞郅都節舉邊為引兵去竟都死不敢近鴈門匈奴至
為偶人象都令騎馳射莫能中竹仲反其見憚如此匈奴

患之竇太后乃竟中都都以漢法

考異曰漢書酷吏傳無竇太后三字以為匈奴

中都以漢法以上下文勢考之中都者必出於竇太后
蓋是時帝方眷都使匈奴問之何必白之太后惟太后

中都以漢法故帝不能救耳史記存此三字為是今從史記帝曰都忠臣欲釋之實

太后曰臨江王獨非忠臣乎於是斬都臨江王傳夏四

月乙巳侯表封楚趙傳相死事者四人子為列侯荀建德

子橫遽侯王悍子棄之新市侯趙夷吾子周商陵侯張

尚子當居山陽侯侯表考異曰漢書本紀書於九月

悍子棄之為新市侯趙夷吾子周為商陵侯張尚子當

居為山陽侯並以四月乙巳封而史記侯者表亦同當

是漢書本紀誤今從表九月始梁王與勝詭有謀鄒陽爭以為不

可故見讒枚先生枚嚴夫子皆不敢諫及事敗勝詭

死梁王恐誅乃思鄒陽言深辭謝之齎以千金令求方
畧解罪於上者陽素知齊人王先生年八十餘多奇計
即往見語以其事王先生曰難哉人主有私怨深怒欲
施必行之誅誠難解也以太后之尊骨肉之親猶不能
止況臣下乎昔秦始皇有伏怒於太后羣臣諫而死者
以十數得茅焦為廓大義始皇非能說其言也乃自強
從之耳茅焦亦廩脫死如毛茆耳故事所以難者也今
子欲安之乎陽曰鄒魯守經學齊楚多辯知韓魏時有

奇節吾將歷問之王先生曰子行矣還過我而西鄒陽
行月餘莫能為謀還過王先生曰臣將西矣為如何王
先生曰吾先日欲獻愚計以為衆不可蓋竊自薄陋不
敢道也若子行必往見王長君士無過此者矣鄒陽發
寤於心曰敬諾辭去不過梁徑至長安因客見王長君
長君者王美人兄也鄒陽留數日乘間而請曰臣非為
長君無使令於前故來侍也愚慙竊不自料願有謁也
長君跪曰幸甚陽曰今袁盎事即窮竟梁王恐誅長君

誠能精為上言之得毋竟梁事又有存亡繼絕之功德

布天下名施無窮願長君深自計之昔者魯公子慶父

使僕人殺子般

讀與班同

獄有所歸季友不探其情而誅焉

慶父親殺閔公季子緩追免賊春秋以為親親之道也

魯哀姜薨于夷孔子曰齊桓公法而不譎以為過也以

是說天子微幸梁事不奏長君曰諾乘間入而言之帝

怒稍解於是遣田叔呂季主往治之至霸昌廐田叔取

火悉燒梁之獄辭空手來見帝帝曰梁有之乎田叔對

曰死罪有之今梁王不伏誅是漢法不行也如其伏誅
太后食不甘味卧不安席此憂在陛下也上大然之於
是梁王伏斧質於闕下謝罪然後太后與帝大喜相與
泣復如故於是上賢田叔以為魯相初至官民以王取
其財物自言者百餘人叔取其渠率二十人笞怒之曰
王非汝主邪何敢自言主魯王聞之大慙發中府錢使
相償之相曰王自使人償之不爾是王為惡而相為善
也魯王好獵相嘗從苑中王輒休相就館相嘗暴坐苑

外終不休曰吾王暴露獨何為舍王以故不大出游數

年以官卒

梁王世家鄒陽傳田叔傳

三年匈奴王七人來降

考異曰周亞夫傳作五人功臣表作七人今從表

上欲

侯之以勸後丞相周亞夫曰彼背其主降陛下陛下侯

之則何以責人臣之不守節者乎上曰丞相議不可用

亞夫傳十一月庚子先封于軍為安陵侯十二月丁丑悉

封徐盧等六人為列侯

侯表

班固曰書稱蠻夷帥服詩云徐方既徠春秋列潞

子之爵許其慕諸夏也漢興至孝文時乃有弓高
襄城之封雖自外徠本功臣後孝景欲侯降者丞
相周亞夫守約而爭帝黜其議初開封賞之科

侯表序

春三月丁巳立子乘為清河王乘王夫人子

本紀外戚世家以

轅固為清河王太傅初固以治詩為博士竇太后召固
問老子書固曰此家人言耳太后怒曰安得司空城旦
書乎乃使固入圈擊毚上知太后怒而固直言無辜乃
假固利兵下圈刺毚毚應手而倒太后默然亡以復辜

後上以固廉直拜為王傅諸齊以詩顯皆固之弟子也

本齊人胡毋生以治春秋為博士與廣川董仲舒同業

考異曰胡毋生及仲舒在帝時為博士不得其歲今載於轅固為清河王傅之後 仲舒亦為博

士下帷講誦弟子傳以久次相授業或莫見其面蓋三

年不窺園其精如此學士皆師尊之胡毋生年老歸教

於齊齊之言春秋者宗事胡毋生菑川人公孫宏亦頗

受焉儒林傳董仲舒傳夏四月時上郡以西旱復修賣爵令賤

其價以招民及徙復作得輸粟縣官以除罪益造苑馬

以廣用而宮室列觀輿馬益增修矣

平準書

考異曰

書不知其時按帝時書早者再中三年書旱後二年書大旱然中六年匈奴已入上郡取苑馬則知非後二年

明矣今載於中三年夏旱之後

太子太傅衛綰為御史大夫

荀紀百官表

歲廷尉上囚防年繼母殺年父年因殺繼母依律殺母

大逆論帝疑之詔問太子太子對曰夫繼母明其不及

母也緣父之愛故比之母耳今繼母無狀手殺其父則

下手之日母恩絕矣宜與殺人者同不宜以大逆論帝

從之年棄市太子時年十歲上益奇之

漢武故事

太子長

而好書學善史錄竇太后好黃帝老子言帝及太子諸王諸竇不得不讀老子尊其術太子獨能解其意每在太后前議論太后大悅每歎服以為勝帝而太子心弗好也每還太子宮常取儒書讀之又好名法之術畏太后不敢言也

武帝故事

四年秋赦天下徒作陽陵者死罪欲腐刑者許之

漢書紀

考異曰鍾繇言於魏明帝曰宜如孝景之令其常棄市欲斬右趾者許之其事見三國志而班馬皆不載今常

附見於死罪欲腐刑者許之之下

是歲壯武侯宋昌有罪奪爵一級為

關內侯

侯表

五年冬十月戊午日有食之

考異曰漢書本紀書於中四年之末荀紀亦然然十

月豈應在歲終其誤明矣呂氏大事記移於五年之初按長歷是年十月癸巳朔而戊午乃二十六日也今從

之春三月立子彘為常山王

漢書本紀史記年表

彘王夫人子帝

子凡十三人為王

五宗世家

博士韓嬰為常山太傅嬰推詩

人之意而作內外傳數萬言其語頗與齊魯間殊然歸

一也燕趙間言詩者由韓生

韓嬰傳

匈奴東胡王盧它之

降夏四月丁巳封為亞谷侯它之故燕王綰子也

侯五表

月甲戌封皇后兄王信為蓋侯

侯表

秋八月令諸侯王不

得復治國天子為置吏改丞相曰相銀印省廷尉少府

宗正博士官大夫謁者郎諸官長丞皆損其員

百官表

六年三月雨雪

漢書本紀作雨雹考五行志及荀紀

考異曰漢書作雨雪史記亦作雨雪當

是史記紀誤一字今從漢書紀志及荀紀

六月匈奴入鴈門至武泉邑入上

郡考異曰漢書作六月史記作八月考荀紀亦取苑馬

作六月當是史記紀誤一字今從漢書荀紀

漢書本紀

漢儀注太僕牧師諸苑三十六所分布北邊西邊以郎為苑監官奴婢三萬人養馬三十萬疋

時李廣為上郡太守上使中貴人從廣勒習兵擊匈奴

中貴人將數十騎從見匈奴三人與戰射傷中貴人殺

其騎且盡中貴人走廣廣曰是必射鴈者也廣乃從百

騎往馳三人三人亡馬步行行數十里廣令其騎張兩

翼而廣身自射彼三人者殺其二人生得一人果匈奴

射鴈者也廣傳秋七月辛亥日有食之本紀是歲以濟南都

尉甯成為中尉是時周陽由亦為郡守甯成陽由皆以

嚴尅為治荀氏漢紀按原本不書甯成為中尉

事上下文意不相屬今從百官表補入

後元年秋七月乙巳先晦一日日有食之史記紀荀紀

考異曰漢

書本紀作乙巳晦史記無晦字按長歷乙巳蓋七月二十九日也顓頊歷以丙午為八月朔則漢紀乙巳晦未為非是及考百官表載七月丙午丞相舍免是月既有丙午不應以乙巳為晦又五行志及荀悅漢紀云七月乙巳先晦一日日有食之則丙午晦丞相挑侯劉舍午為晦日明矣今從荀紀史記

免百官表竇太后數言魏其侯竇嬰帝曰太后宜以臣有

愛相魏其者魏其沾沾自喜耳多易弋豉反難以為相持

重遂不用竇嬰傳八月御史大夫建陵侯衛綰為丞相百官

表考異曰史記大事記漢書百官表荀氏漢紀並作

八月壬辰按長歷是月有丙辰戊辰無壬辰不敢意改今除去之綰為相朝奏事如職所奏然自初官以至相終無

可言上以為敦厚可相少主尊寵之賞賜甚多

衛綰傳

以

衛尉直不疑為御史大夫天子修吳楚時功封不疑為

塞侯

不疑傳

二年武原侯衛不害坐墓過律免

年表

石奮以上大夫祿

歸老子家

考異曰傳以為孝景季年今載於後二年

以歲時為朝臣過宮門

闕必下車趨見路馬必軾馬子孫為小吏來歸謁奮必

朝服見之不名子孫有過失不誚讓為便坐對案不食

然後諸子相責因長老肉袒固謝罪改之乃許子孫勝

冠者在側雖燕必冠申申如也僮僕訢訢

古欣字

如也唯

謹上時賜食於家必稽首俯伏而食如在上前其執喪

哀戚甚子孫遵教亦如之萬石君家以孝謹聞乎郡國

雖齊魯諸儒質行皆自以為不及也

奮傳

田蚡益貴幸為

中大夫

考異曰傳云孝景晚節蚡益貴幸為中大夫今附於後二年

田蚡貪巧於文

辭辯有口學盤盂諸書王皇后賢之

田蚡傳及外戚傳

求天下

禮書

考異曰家語序以為景帝末年今附於後二年

京師士夫皆送官得呂氏

所傳家語與諸國事及七十二子辭廬江舒人文翁為

蜀郡太守

考異曰循吏傳云景帝末年為蜀郡守今附於後二年

仁愛好教化見

蜀地辟

讀音僻

陋有蠻夷風文翁欲誘進之乃選郡縣小

吏開敏有材者張叔等十餘人親自飭

與教同

厲遣詣京

師受業博士或學律令減省少府用度

顏曰少府郡掌財物之府以供

太守者也

買刀布蜀物齎計吏以遺博士數歲蜀生皆成就

還歸文翁以為右職用次察舉官有至郡守刺史者又

修起學官於城都市中招下縣子弟以為學官弟子為

除更繇

讀曰徭

高者以補郡縣吏次為孝弟力田常選舉

官僮子使在便坐受事每出行縣益從學官諸生明經飭行者與俱使傳教令出入閭閻縣邑吏民見而榮之數年爭欲為學官弟子富人至出錢以求之讀曰是

大化蜀地學於京師者比齊魯焉至武帝時乃令天下

郡國皆立學校官自大翁為之始云

循吏傳

三年春正月詔曰高年長老人所尊敬也鰥寡不屬之

欲

反逮者人所哀憐也其著今年八十以上八歲以下及

孕者未乳師朱儒當鞠繫者頌

讀曰容

繫之

刑法志

甲子帝

崩於未央宮二月癸酉葬陽陵上謚曰孝景皇帝

本紀

班固贊曰孔子稱斯民三代之所直道而行也信哉周秦之敝罔密文峻而女軌不勝漢興掃除煩苛與民休息至於孝文加之以恭儉孝景遵業五十載之間至於移風易俗黎民醇厚周云成康漢言文景美矣

欽定四庫全書

西漢年紀卷十

宋王益之撰

武帝

孝武皇帝諱徹景帝中子也立為皇太子後三年正月

甲子景帝崩即日

兩字據史記田蚡傳

太子即皇帝位

本紀異曰史記

大事記書正月甲子孝景崩二月丙子太子立漢書景紀書甲子帝崩於武紀又書甲子太子即皇帝位史記漢書所載同異如此按史記田蚡傳云孝景崩即日太子立是景帝之崩武帝之立蓋同日也當是史記大事記誤今從

立太子妃陳氏為皇后

外戚傳

尊太后母臧兒

為平原君追尊王仲為共

讀曰恭

侯槐里起園邑二百家

長丞奉守

外戚傳

帝初稱制所鎮撫多蚡賓客計策蚡新

欲用事為相卑下賓客進名士家居者貴之欲以傾魏

其諸將相

史記蚡傳

建元元年冬十月前清河太傅轅固楚相馮唐故城陽

中尉鄧先公孫宏吳人嚴助

嚴忌子

皆以賢良徵宏少時

為獄吏有罪免家貧牧豕海上年四十餘乃學春秋雜

說時年六十以賢良徵仄目事轅固固曰公孫子務正

學以言無曲學以阿世

考異曰此公孫宏初應賢良事也通鑑載於宏再應賢良時誤

矣諸儒多嫉毀曰固老罷歸之時固已九十餘矣對策

者百餘人帝擢嚴助為中大夫公孫宏為博士鄧先起

家至九卿馮唐亦年九十餘不能為官廼以子遂為郎

見轅固馮唐罷錯

六月丞相衛綰御史大夫直不疑

不疑

公孫宏嚴助傳

事據本傳增入以景帝病時諸官因多坐不韋者而不任職免

之

綰傳

上議置丞相太尉籍福說田蚡曰魏其貴久矣天

下士素歸之今將軍初興未如即上以將軍為丞相必

讓魏其魏其為丞相將軍必為太尉太尉丞相尊等耳
有讓賢名蚡廼微言太后風上於是乃以魏其侯竇嬰
為丞相復置太尉官

五字據史記大事記

以武安侯田蚡為太尉

籍福賀嬰因弔曰君侯資性喜善疾惡方今善人譽君
侯故至丞相然惡人衆亦且毀君侯君侯能兼容則幸
久不能今以毀去矣嬰不聽

嬰蚡傳

秋七月故太子少傅

王臧上書得宿衛

申公傳

丞相嬰太尉蚡俱好儒術推轂

臧為郎中令代人趙綰為御史大夫

嬰蚡傳

綰亦嘗受詩

申公綰臧請立明堂城南以朝諸侯不能就其事乃言

師申公於是上使使束帛加璧安車以蒲裹輪駕馬迎

申公弟子二人乘軺傳從

申公傳 按魯申公本傳稱武帝初王臧上書宿衛累遷

一歲至郎中令無上書及遷除月日惟本紀有秋七月徵魯申公之文此本書王臧事當是因徵申公事附見然竟冠秋七月於王嬰蚡又欲令列侯就國除關以禮

臧上書之上殊誤

為服制以興太平舉謫諸竇宗室無行者除其屬籍諸

外家為列侯列侯多尚公主皆不欲就國以故毀日至

太皇竇太后太后好黃老言而嬰蚡綰臧等務隆推儒

術貶道家言是以太皇竇太后滋不說

嬰蚡傳

枚乘善辭

賦帝自為太子聞乘名及即位乘年老乃以安車蒲輪

徵乘道死詔問乘子無能為文者後乃得其孽子臯

枚乘

傳

是歲徙中尉甯成為內史

百官表

時茂陵張湯給事內

史為掾成以湯為無害言大府調為茂陵尉

張湯傳

外戚

多毀成之短下獄

兩字據表增入

抵罪髡鉗是時九卿死即死

少被刑而成刑極自以為不復收廼解脫詐刻傳出關

歸家

酷吏傳考異曰賈誼傳云上深納其言養臣下有節是後大臣有罪皆自殺不受刑至武帝時稍

復入獄自甯成始以史攷之正自不爾景帝時晁錯以御史大夫要斬東市大臣受刑蓋自錯始周亞夫以列侯下廷尉大臣入獄蓋自亞夫始孟堅謂始於甯成其誤甚矣今刪去不取時吏治尚循謹

然周陽由居二千石中最為暴酷驕恣所愛者撓法活

之所憎者曲法滅之所居郡必夷其豪自甯成周陽由

之後事益多民巧法大抵吏治類多成由等矣酷吏傳初

帝以為淮陽天下郊勁兵處徙代相灌夫為淮陽太守

是歲入為太僕本傳百官表先是梁內史韓安國坐法失官

家居至是太尉田蚡親貴用事安國以五百金遺蚡蚡

言安國太后上素聞安國賢即召以為北地都尉

韓安國傳

二年冬十月淮南王安來朝獻所作內書二十一篇上
愛秘之使為離騷傳旦受詔日食時上又獻頌德及長
安都國頌每宴見談說得失及方技賦頌昏暮然後罷
時帝方好藝文以安屬為諸父辯博善為文辭甚尊重
之每為報書及賜常召司馬相如等視草乃遣

漢書本傳

安

為人好讀書鼓琴不喜弋獵狗馬馳騁亦欲以行陰德
拊循百姓流譽天下時時怨望厲王死時欲畔逆未有

因也安素善田蚡至是入朝蚡乃逆王霸上與王語曰

方今上無太子大王親高皇帝孫行仁義天下莫不聞

即宮車一日晏駕非大王尚誰立者

考異曰史記淮南王傳載於建元二

年漢書五行志云建元六年六月有星孛于北方劉向以為明年淮南王安入朝與太尉武安侯田蚡有邪謀如向所云則是元光元年事也按史記曰淮南王入朝素善武安侯武安侯時為太尉而五行志亦曰太尉武安侯田蚡按百官表蚡以建元元年為太尉二年免至建元六年則蚡為丞相矣不應尚稱太尉當是五行志誤今從

淮南王大喜厚遺田蚡金錢財物陰結賓客拊

循百姓為畔逆事

史記淮南王安傳

石慶嘗為太僕御出

考異曰司

馬公以為百官表不載慶為太僕恐是攝職按上問車百官表當時除拜脫落不書者極多不獨慶也

中幾馬慶以策數馬畢舉手對曰六馬慶於諸子中最

為簡易矣然猶如此

萬石君傳

三月乙未以太常柏至侯許

昌為丞相武強侯莊青翟為御史大夫

百官表 考異 曰百官表許昌

書於二年莊青翟書於四年而御史大夫虛位二歲及攷田蚡傳云二年罷逐趙綰王臧而免丞相嬰太尉蚡以柏至侯許昌為丞相武強侯莊青翟為御史大夫以此觀之趙綰之逐青翟之拜同在二年今從列傳案紀傳丞相寶嬰御史大夫趙綰皆以忤太皇太后下獄免以許昌莊青翟代之此本書昌青翟之拜而此上不書嬰綰之罷

疑有脫文

夏四月初置茂陵邑徙郡國豪傑於茂陵

荀紀

三年冬十月代王登長沙王發中山王勝濟川王明來
朝時大臣懲吳楚七國行事議者多寃鼂錯之策皆以
諸侯連城數十秦強欲稍侵削數奏暴其過惡諸侯王
自以骨肉至親先帝所以廣封連城犬牙相錯者為盤
石宗也今或無罪為臣下所侵辱有司吹毛求疵笞服
其臣使證其君多自以侵寃及朝天子置酒中山王勝
聞樂聲而泣上問其故勝對曰臣聞悲者不可為繁歎

思者不可為歎息故高漸離擊筑易水之上荆軻為之

低而不食雍門子壹微吟孟嘗君為之於音邑反一合今

臣心結日久每聞幼眇之聲不知涕泣之橫集也夫衆

煦許句反又漂匹遙反山聚蟲古蛟字成雷古雷字朋黨執虎

十夫女教反橈反椎是以文王拘於羑里孔子阨於陳蔡此

乃烝庶之成風增積之生害也臣身遠與寡莫為之先

衆口鑠金積毀銷骨叢輕折軸羽翮飛肉紛驚逢羅潛

然出涕臣聞白日曬山鼓反又光幽隱皆照明月曜夜

力支反

蟲蟲

音育

宵見然雲蒸列布杳冥晝昏塵埃拂

音鋪

覆昧不

見泰山何則物有蔽之也今臣雍

讀曰雍

闕

烏曷反

不得聞

讒言之徒蠶生道遼路遠曾莫為臣聞臣竊自悲也臣

聞社鷗

音奚

不灌屋鼠不熏何則所託者然也臣雖薄也

得蒙肺附位雖卑也得為東藩屬又稱兄今羣臣非有

葭莩之親鴻毛之重羣居黨議朋友相為使夫宗室擯

卻

邱畧反

骨肉冰釋斯伯奇所以流離比干所以橫分也

詩云我心憂傷起馬如擣假寐永歎唯憂用老心之憂

矣疾如疾首臣之謂也具以吏所侵聞於是上乃加親

親之恩焉

中山王傳

三月有星孛于注張歷太微干紫宮至

于天漢夏四月有星孛于天紀至織女

天文志

上徵天下

文學材智之士嚴助最先進後又得吳人朱買臣趙人

吾邱壽王蜀人司馬相如主父偃嚴安徐樂東方朔枚

臯膠倉終軍嚴葱奇等

考異曰通鑑載於嚴助救東甌之後今從助傳序於其前

並

在左右其尤親幸者東方朔枚臯嚴助吾邱壽王司馬

相如相如常稱疾避事唯助與壽王見任用

東方朔嚴助傳

越發兵圍東甌東甌使人告急天子時天子年未二十

以問田蚡

考異曰史記東越傳漢書嚴助傳皆云建元三年閩越圍東甌天子問太尉田蚡按是時

蚡不為太尉云太尉誤也下云太尉不足與計蓋追呼其官耳

蚡對曰不足以煩中國

往救也嚴助曰今小國以窮困來告急天子不振尚安

所愬上遂發兵浮海救東甌東甌王望率其衆四萬餘

人來降處廬江郡封為廣武侯

嚴助閩粵傳史記大事記

是歲以北

地都尉韓安國為大農令

百官表

太僕灌夫與長樂衛尉

竇甫飲輕重不得夫醉搏甫甫竇太后昆弟上恐太后

誅夫徙夫為燕相

夫傳

北平侯張類坐臨諸侯喪後至國

除上始為微行

侯表考異曰東方朔傳以為建元三年今附年末

常用飲酎已

八九月中與侍中常侍武騎及侍詔隴西北地良家子能騎射者期諸殿門故有期門之號自此始微行以夜漏下十刻乃出常稱平陽侯旦明入山下馳射鹿豕狐兔馳驚禾稼稻杭之地民皆號呼罵詈相聚會自言鄆杜令令往欲謁平陽侯諸騎欲擊鞭之令大怒使吏呵止獵者數騎見留乃示以乘輿物久之廼得去時夜出

夕還後齋五日糧會朝長信宮

顏曰五日一朝長信宮故齋五日糧長信太后

也官是後南山下乃知微行數出也然尚迫於太后未敢

遠出丞相御史知指乃使右輔都尉徼工鈞反循長楊以

東右內史發小民共

讀曰供

待會所時常侍郎東方朔進

諫曰臣聞謙遜靜慤

口角反

天表之應應之以福驕溢靡

麗天表之應應之以異今陛下累郎臺恐其不高也弋

獵之處恐其不廣也如天不為變則三輔之地盡可以

為苑何必蓋屋鄠杜乎奢侈越制天為之變上林雖小

臣尚以為大也糞土愚臣忘生觸死逆盛意犯隆指罪當萬死不勝大願願陳泰階六符以觀天變不可不省是日因奏泰階之事上乃拜朔為太中大夫給事中

東方

朔

四年冬十月地動

天文志

江都王非來朝從上獵上林中

天子車駕趣通未行先使韓嫣乘副車從數十百騎馳視獸江都王望見以為天子辟從者伏謁道旁嫣驅不見既過江都王怒為皇太后泣請得歸國入宿衛比韓

媽太后以此銜媽始帝為膠東王媽與上學書相愛及上為太子愈益親媽媽善騎射聰慧上即位欲事伐胡而媽先習兵以故益尊貴官至上大夫賞賜擬鄧通與上共臥起後媽侍出入永巷不禁以姦聞皇太后太后怒使使賜媽死上為謝終不得媽遂死

佞幸傳

是歲南粵

王趙佗死

南粵傳注佗以建元四年卒皇甫謐曰時漢興七十年佗蓋百歲矣

以江都相

鄭當時為右內史

百官表

五年春正月己巳朔日有食之

荀紀

罷傳記博士

趙岐孟序

夏四月平原君薨

本紀

從田氏葬長林置園邑二百家長

丞奉守

外戚傳

上即位數歲漢興七十餘年之間國家無

事非遇水旱之災民則人給家足都鄙廩庾皆滿而府庫餘貨財京師之錢累巨萬貫朽而不可校太倉之粟陳陳相因充溢露積於外至腐敗不可食衆庶街巷有馬阡陌之間成羣而乘字牝者儉而不得聚會守閭閻者食梁肉為吏者長子孫居官者以為姓號故人人自愛而重犯法先行義而後絀辱焉當此之時網疎而民

富役財驕溢或至兼并豪黨之徒以武斷於鄉曲宗室

有土公卿大夫以下爭於奢侈室廬輿服僭於上無限

度物盛而衰固其變也

平準書食貨志 考異曰此段見平準書而通鑑載於景帝後

三年按平準書云上即位數歲漢興七十餘年正謂武帝初年非景帝也自漢興之初至後七年才六十六年謂之七十餘年於義未安蓋武帝承文景涵養之餘又竇太后在上帝猶知有所畏未敢肆行民享安靜之福故當時富盛如此至建元四年漢興已七十載又二年而竇太后崩是後紛紛多事漢家至此遂一變矣太史公謂物盛而衰固其變也蓋深有感焉今附於竇太后未崩之前一年

六年春二月乙未遼東高廟災

本紀 考異曰五行志作建元六年六月丁酉

按志既言六月丁酉遼東高廟災下又云四月壬子高
園便殿火同是一歲不應六月在四月之先志之誤必
矣漢書本紀作二月乙未荀紀作三月乙未以長歷考
之三月壬戌朔無乙未當是荀紀誤今從漢書本紀

五月丁亥太皇太后崩

本紀

考異曰此語見漢書本紀而外戚傳乃云竇太后後景

帝六歲凡立五十一年元光六年崩與紀不同以史考
之竇太后之立才四十五年今云五十一年固誤又曰
後景帝六歲則為建元六年無疑若至元光六年則後
景帝十有二年矣不應云六歲也按史記外戚世家作
建元六年而班氏改為元光誤矣
今從漢書本紀史記外戚世家

合葬霸陵遺詔盡以

東宮金錢財物賜長公主嫖

外戚傳

六月癸巳丞相昌御

史大夫青翟坐竇太后喪事不辦免上以武安侯田蚡

為丞相

百官表田蚡傳

蚡既相絀黃老刑名百家之言延文學

儒者數百人

儒林傳

又以為諸侯王多長上初即位富於

春秋蚡以肺附為京師相非痛折節以禮詘之天下不

肅嘗召客飲坐其兄蓋侯北鄉自坐東鄉以為漢相尊

不可以兄故私撓蚡由此滋驕治宅甲諸第田園極膏

腴而市買郡縣器物相屬於道前堂羅鐘鼓立曲旃後

房婦女以百數諸侯奉金玉狗馬玩好不可勝數

田蚡傳

蚡徵茂陵尉張湯為丞相史薦補侍御史

湯傳

有星孛于

北方

五行志

秋八月有星孛于東方長竟天

本紀

三十日去

五行志

是謂蚩尤旗類彗而後曲象旗

天文志荀紀

淮南王安

心怪之或說王曰先吳軍時彗星出長數尺然尚流血

千里今彗星竟天天下兵當大起王心以為上無太子

天下有變諸侯並爭愈益治攻戰具積金錢賂遺郡國

遊士妄作妖言阿諛王王喜多賜予之王有女陵慧有

口王愛之多予金錢為中訶

丑政反

長安約結上左右

淮南

傳王閩粵王郢興兵擊南粵邊邑

本紀南粵傳

考異曰史記大事記載閩越反

於正月今按漢書本紀通鑑載於南粵守天子約不敢

秋八月後疑大事記誤今從本紀

擅發兵而上書以聞

嚴助傳

曰兩粵俱為藩臣毋擅興兵

相攻擊今東粵擅興兵侵臣臣不敢興兵唯天子詔之

於是天子多南粵義守職約

南粵傳

遣大行王恢大司農

韓安國將兵誅閩越淮南王安上書諫曰陛下臨天下

布德施惠緩刑罰薄賦歛哀鰥寡恤孤獨養耆老振匱

乏盛德上隆和澤下洽近者親附遠者懷德天下攝然

今聞有司舉兵將以誅越臣竊為陛下重之越方外之

地鬻髮文身之民不可以冠帶之國法度理也

案原本脫今聞

有司以下至此文意不屬今節錄本傳增入

故古者封內甸服封外侯服侯

衛賓服蠻夷要服戎狄荒服遠近執異也越人名為藩

臣貢耐之奉不輸大內一卒之用不給上事自相攻擊

而陛下發兵救之是反以中國而勞蠻夷也

案原本脫越人名為

藩臣以下至此文勢不足今節錄本傳增入

臣聞軍旅之後必有凶年言民

各以其愁苦之氣薄陰陽之和感天地之精而災氣為

之生也今以兵入其地男子不得耕稼樹種婦人不得

紡績織絰

人禁反

丁壯從軍老弱轉餉

亦餼字

居者無食行

者無糧民苦兵事亡逃者必衆隨而誅之不可勝盡盜賊必起臣聞長老言秦之時嘗使尉屠睢擊越又使監祿鑿渠通道越人逃入深山林叢不可得攻留軍屯守曠日持久士卒勞倦越廼出擊之秦兵大破廼發適戍以備之當此之時內外騷動百姓靡敝行者不還往者莫返民不聊生羣為盜賊於是山東之難始興周易曰高宗伐鬼方三年而克之鬼方小蠻夷高宗殷之盛天

子以盛天子伐小蠻夷三年而後克言用兵之不可不重也臣聞天子之兵有征而無戰言莫敢校也陛下以四海為境九州為家八數為囿江漢為池生民之屬皆為臣妾人徒之衆足以奉千官之共

讀曰供

租稅之收足

以給乘輿之御玩心神明秉執聖道負黼依

讀曰宸

馮

讀曰

凭

玉几南面而聽斷號令天下四海之內莫不嚮

讀曰響

應陛下垂德惠以覆露之使元元之民安生樂業則澤被萬世傳之子孫施之無窮天下之安猶泰山而四維

之也夷狄之地何足以為一日之間而煩汗馬之勞乎
詩云王猶允塞徐方既來言王道甚大而遠方懷之也
臣聞之農夫勞而君子養焉愚者言而智者擇焉臣安
幸得為陛下守藩以身為鄣蔽入臣之任也邊境有警
愛身之死而不畢其愚非忠臣也臣安竊恐將吏之以
十萬之師為一使之任也是時漢兵遂出未踰領閩粵
王郢發兵距險其弟餘善誅郢師得不勞因立餘善為
東粵王上嘉淮南之意美將卒之功乃令嚴助諭意風

讀曰

指於南越

嚴助傳

南粵王胡遣太子嬰齊入宿衛

南粵

傳

助還又諭淮南曰皇帝問淮南王使中大夫王上書

言事聞之朕奉先帝之休德夙興夜寐明不能燭重

直用

反

以不德是以比年凶菑

古災字

害衆夫以眇眇之身託

于王侯之上內有飢寒之民南夷相攘

人羊反

使邊騷然

不安朕甚懼焉今王深惟重慮明太平以弼朕失稱三

代至盛際天接地人迹所及咸盡賓服貌

武卓反

然甚慙

嘉王之意靡有所終使中大夫助諭朕意告王越事助

諭意曰今者大王以發屯臨越事上書陛下故遣臣助
告王其事王居遠事薄遽不與王同其計朝有關政遺
王之憂陛下甚恨之夫兵固凶器明主之所重出也然
自五帝三王禁暴止亂非兵未之聞也漢為天下宗操
殺生之柄以制海內之命危者望安亂者仰讀曰治今
閩越王狼戾不仁殺其骨肉離其親戚所為甚多不義
又數舉兵侵陵百越并兼鄰國以為暴彊陰計奇策入
燔尋陽樓船欲招會稽之地以踐句功侯踐之迹今者

邊又言閩王率兩國擊南越陛下為萬民安危久遠之計使人諭告之曰天下安寧各繼世撫民禁毋敢相并有司疑其以虎狼之心貪據百越之利惑於逆順不奉明詔則會稽豫章必有長患且天子誅而不伐焉有勞百姓苦士卒乎故遣兩將屯於境上震威武揚聲鄉

讀曰

響

屯曾未會天誘其衷閩王隕命輒遣使者罷屯毋後

農時南越王甚嘉被惠澤蒙休德願草心易行身從使者入謝有狗馬之病不能勝服故遣太子入侍病有瘳

願伏北闕望大廷以報盛德閩王以八月舉兵於治南

士卒罷

讀曰疲

倦三王之衆相與攻之因其弱弟餘善以

成其謀至今國空虛遣使者上符節請所立不敢自立
以待天子之明詔此一舉不挫一兵之鋒不用一卒之
死而閩王伏辜南越被澤威震暴主義存危國此則陛
下深計遠慮之所出也事效見前故使臣助來諭王意
於是王謝曰雖湯伐桀文王伐崇誠不過此臣安妄以
愚意狂言陛下不忍加誅使使者臨詔臣安以所不聞

誠不勝厚幸助由是與淮南王相結而還上大說嚴助

是歲大農令韓安國為御史大夫百官表 考異曰田蚡傳云竇太后崩丞

相昌御史大夫青翟坐喪事不辦免上以田蚡為丞相

韓安國為御史大夫觀此則安國之拜蓋與田蚡同時

也及考漢書本紀閩越之反安國以大農令將兵往擊

不應已拜御史大夫尚以大農稱也荀紀通鑑皆載於

擊閩越事後今從之安國為人大畧知足以當世取舍而出於

忠厚貪者讀曰財利然所推舉皆廉士賢於已者於梁

舉壺遂臧固至它皆天下名士士亦以此稱慕之唯天

子以為國器韓安國傳東海太守汲黯為主爵都尉引大體

不拘文法為人性倨

居庶反

少禮面折不能容人之過合

已者善待之不合者弗能忍見士亦以此不附焉然好

游俠任氣節行修潔其諫犯主之顏色常慕傅伯袁蓋

之為人善灌夫鄭當時及宗正劉棄疾亦數以直諫不

得久居位是時太后弟田蚡為丞相中二千石拜謁蚡

弗為禮黥見蚡未嘗拜揖之

汲黯傳

太史令司馬談愍學

者不達其意而師諄乃論六家之要指

考異曰此事不得其時按司馬

遷傳談仕于建元元封之間愍學者不達其意而師諄乃論六家之要指談之仕始於建元而終於元封此論

必作於建元蓋是時竇太后已崩武帝相田蚡隆儒術而貶道家故其言如此今附於建元六年竇太后已崩之後曰易大傳曰天下一致而百慮同歸而殊塗夫陰陽儒墨名法道德此務為治者也直所從言之異路有省不省耳嘗竊觀陰陽之術大詳而衆忌諱使人拘而多畏然其叙四時之大順不可失也儒者博而寡要勞而少功是以其事難盡從然其序君臣父子之禮列夫婦長幼之別不可易也墨者儉而難遵是以其事不可徧循然其彊本節用不可廢也法家嚴而少恩然其正君

臣上下之分不可改也名家使人儉而善失真然其正
名實不可不察也道家使人精神專一動合無形澹足
萬物其為術也因陰陽之大順采儒墨之善撮名法之
要與時遷徙應物變化立俗施事無所不宜指約而易
操事小而功多儒者則不然以為人主天下之儀表也
君唱臣和主先臣隨如此則主勞而臣佚至於大道之
要去健羨黜聰明釋此而任術夫神大用則竭形大勞
則敝神形蚤衰欲與天地長久非所聞也夫陰陽四時

八位十二度二十四節各有教令曰順之者昌逆之者
亡未必然也故曰使人拘而多畏夫春生夏長秋收冬
藏此天道之大經也弗順則無以為天下紀綱故曰四
時之大順不可失也夫儒者以六藝為法六藝經傳以
千萬數累世不能通其學當年不能究其禮故曰博而
寡要勞而少功若夫列君臣父子之禮序夫婦長幼之
別雖百家弗能易也墨者亦上堯舜言其德行曰堂高
三尺土階三等茅茨不翦採椽不斷飯土簋飲土刑糲

梁之食藜藿之羹夏日葛衣冬日鹿裘其送死桐棺三寸舉音不盡其哀教喪禮必以此為萬民率故天下共若此則尊卑無別也夫世異時移事業不必同故曰儉而難遵也要曰彊本節用則人給家足之道也此墨子之所長雖百家不能廢也法家不別親疎不殊貴賤壹斷於法則親親尊尊之恩絕矣可以行一時之計而不可長用也故曰嚴而少恩若尊主卑臣明分職不得相踰越雖百家不能改也名家苛察繳繞使人不得反其

意剗決於名時失人情故曰使人儉而善失真若夫控名責實參伍不失此不可不察也道家無為又曰無不為其實易行其辭難知其術以虛無為本以因循為用無成勢無常形故能究萬物之情不為物先後故能為萬物主有法無法因時為業有度無度因物興舍故曰聖人不巧時變是守虛者道之常也因者君之綱也羣臣並至使各自明也其實中其聲者謂之端實不中其聲者謂之款款言不聽姦廼不生賢不肖自分白黑廼

形在所欲用耳何事不成迺合大道混混冥冥光耀天
下復反無名凡人所生者神也所托者形也神大用則
竭形大勞則敝形神離則死死者不可復生離者不可
復合故聖人重之由此觀之神者生之本形者生之具
不先定其神形而曰我有以治天下何由哉談嘗學天
官於唐都受易於楊何習道論於黃子司馬遷傳初王恢擊
東粵因兵威使番禺令唐蒙風讀曰諷曉南粵南粵食讀曰
似蒙蜀枸音矩醬蒙問所從來曰道西北牂柯江江廣數

里出番

普安反

禺

音隅

城下蒙歸至長安問蜀賈人獨蜀出

枸醬多持竊出市夜郎夜郎者臨牂柯江江廣百餘步

足以行船南粵以財物役屬夜郎西至桐師然亦不能

臣使也蒙廼上書說上曰南粵王黃屋左纛地東西萬

餘里名為外臣實一州主今以長沙豫章往水道多絕

難行竊聞夜郎有精兵可得十萬浮船牂柯出不意此

制粵一奇也誠以漢之彊巴蜀之饒通夜郎道為置吏

甚易上許之乃拜蒙以郎中將將千人食重萬餘人從

巴祚關入遂見夜郎侯多同厚賜諭以威德約為置吏
使其子為令夜郎旁小邑皆貪漢繒帛以為漢道險終
不能有也廼聽蒙約還報廼以為犍為郡

地理志犍為郡武帝建元

六年開
西南夷傳

欽定四庫全書

西漢年紀卷十一

宋 王益之 撰

武帝

元光元年冬十一月衛尉李廣為驍騎將軍屯雲中長

樂衛尉程不識為車騎將軍屯鴈門

考異曰漢書本紀作中尉程不識按

百官表張敞自建元元年為中尉凡九年至元光四年始遷御史大夫中間安得有不識為中尉事當是紀誤考李廣傳程不識為長樂衛尉非中尉也又灌夫傳云程李俱東西宮衛尉亦可見也今從二傳 六月

罷先是廣為隴西大守左右言其名將也由是入為

紀本

未央衛尉不識故與廣俱以邊太守將屯及出擊胡而

廣行無部曲行陳就善水草頓舍人人自便不擊刁斗

自衛莫府省

所領反

文書然亦遠斥候未嘗遇害不識正

部曲行伍營陳擊刁斗吏治軍簿

步戶反

至明軍不得自

便不識曰李將軍極簡易然虜卒

讀曰狎

犯之無以禁而

其士卒亦佚

與逸同

樂為之死我軍雖煩擾虜亦不得犯

我是時漢邊郡李廣程不識為名將然匈奴畏廣士卒

多樂從而苦不識不識孝景時以數直諫為太中大夫

李廣傳

五月舉賢良文學上親策之制曰朕獲承至尊休
德傳之無窮而施之罔極任大而守重是以夙夜不皇
康寧永惟萬事之統猶懼有闕故廣延四方之豪雋郡
國諸侯公選賢良修絜博習之士欲聞大道之要至論
之極今子大夫褒然為舉首朕甚嘉之子大夫其精心
致思朕垂聽而問焉蓋聞五帝三王之道改制作樂而
天下洽和百王同之當虞氏之樂莫盛於韶於周莫盛
於勺聖王已沒鐘鼓箎絃之聲未衰而大道微缺陵夷

至虜桀紂之行王道大壞矣夫五百年之間守文之君
當塗之士欲則先王之法以戴翼其世者甚衆然猶不
能反日以仆滅至後王而後止豈其所持操或諄繆而
失其統與固天降命不可復反必推之於大衰而後息
與烏虜凡所為屑屑夙興夜寐務法上古者又將無補
與三代受命其符安在災異之變何緣而起性命之情
或天或壽或仁或鄙習聞其號未燭厥理伊欲風流而
令行刑輕而姦改百姓和樂政事宣昭何修何飾而膏

露降百穀登德潤四海澤臻草木三光全寒暑平受天之祐享鬼神之靈惠澤洋溢施庠方外延及群生子大夫明先聖之業習俗化之變終始之序講聞高誼之日久矣其明以諭朕科別其條勿猥勿并取之於術慎其所出廼其不正不直不忠不極枉於執事書之不泄興於朕躬毋悼後害子大夫其盡心靡有所隱朕將親覽焉董仲舒對曰陛下發德音下明詔求天命與情性皆非愚臣之所能及也臣謹按春秋之中視前世已行之

事以觀天人相與之際甚可畏也國家將有失道之敗而天廼先出災害以譴告之不知自省又出怪異以警懼之尚不知變而傷敗廼至以此見天心之仁愛人君而欲止其亂也自非大無道之世天盡欲扶持而全安之事在彊勉而已矣彊勉學問則聞見博而知益明彊勉行道則德日起而大有功此皆可使還至而立有效者也詩曰夙夜匪解書云茂哉茂哉皆彊勉之謂也道者所繇適於治之路也仁義禮樂皆其具也故聖王已

沒而子孫長久安寧數百歲此皆禮樂教化之功也王者未作樂之時廼用先王之樂宜於世者而以深入教化於民教化之情不得雅頌之樂不成故王者功成作樂樂其德也樂者所以變民風化民俗也其變民也易其化人也著故聲發於和而本於情接於肌膚藏於骨髓故王道雖微缺而箎絃之聲未衰也夫虞氏之不為政久矣然而樂頌遺風猶有存者是以孔子在齊而聞韶也

按仲舒本傳此下尚有夫人君莫不欲安存而臣惡危亡一段凡百餘字此本刪去文義未足

聞天之所大奉使之王者必有非人力所能致而自至者此受命之符也天下之人同心歸之若歸父母故天瑞應誠而至書曰白魚入于王舟有火復于王屋流為烏此蓋受命之符也周公曰復哉復哉孔子曰德不孤必有鄰皆積善聚德之效也及至後世淫佚衰微不能統理群生諸侯背畔殘賊良民以爭壤土廢德教而任刑罰刑罰不中則生邪氣邪氣積於下怨惡畜於上上下不和則陰陽繆盪而妖孽生矣此灾異所緣而起也

臣聞命者天之令也性者生之質也情者人之欲也或
天或壽或仁或鄙陶冶而成之不能粹美有治亂之所
生故不齊也孔子曰君子之德風也小人之德草也草
上之風必偃故堯舜行德則民仁壽桀紂行暴則民鄙
天夫上之化下下之從上猶泥之在鈞唯甄者之所為
猶金之在鎔唯冶者之所鑄綏之斯來動之斯和此之
謂也臣謹按春秋之文求王道之端得之於正次王
王次春春者天之所為也正者王之所為也其意曰上

承天之所為而下以正其所為正王道之端云爾然則王者欲有所為宜求其端於天天道之大者在陰陽陽為德陰為刑刑主殺而德主生是故陽常居大夏而以生育養長為事陰常居大冬而積於空虛不用之處以此見天之任德不任刑也天使陽出布施於上而主歲功使陰入伏於下而時出佐陽陽不得陰之助亦不能獨成歲終陽以成歲為名此天意也王者承天意以從事故任德教而不任刑刑者不可任以治世猶陰之不

可任以成歲也為政而任刑不順於天故先王莫之肯
為也今廢先王德教之官而獨任執法之吏治民毋乃
任刑之意與孔子曰不教而誅謂之虐虐政用於下而
欲德教之被四海故難成也臣謹按春秋謂一元之意
一者萬物之所從始也元者辭之所謂大也謂一為元
者視大始而欲正本也春秋深探其本而反自貴者始
按仲舒本傳此下有故為人君者正心以正朝廷正朝
廷以正百官一段凡二百餘字此本刪去文義未足
夫萬民之從利如水之走下不以教化隄防之不能止

也是故教化立而姦邪皆止者其隄防完也教化廢而
姦邪並出刑罰不能勝者其隄防壞也古之王者明於
此是故南面而治天下莫不以教化為大務至周之末
世大為無道以失天下秦繼其後獨不能改又益甚之
重禁文學不得挾書棄捐禮誼而惡聞之其心欲盡滅
先王之道而顓為自恣苟簡之治故立為天子十四歲
而國破亡矣自古以來未嘗有以亂濟亂大敗天下之
民如秦者也孔子曰腐朽之木不可雕也糞土之牆不

可朽也今漢繼秦之後如朽木冀牆矣雖欲善治之亡
可奈何法出而姦生令下而詐起如以湯止沸抱薪救
火愈甚亡益也竊譬之琴瑟不調甚者必解而更張之
乃可鼓也為政而不行甚者必變而更化之乃可理也
當更張而不更張雖有良工不能善調也當更化而不
更化雖有大賢不能善治也古人有言曰臨淵羨魚不
如退而結網今臨政而願治七十餘歲矣不如退而更
化更化則可善治善治則災害日去福祿日來詩云宜

民宜人受祿于天為政而宜於民者固當受祿于天夫
仁誼禮知信五常之道王者所當修飭也五者修飭故
受天之祐而享鬼神之靈德施於方外延及羣生也天
子覽其對而異焉廼復冊之曰

按原本作冊董仲舒据
制辭稱百餘人則非獨

冊仲舒也今依本傳作冊
之曰而刪去董仲舒三字

制曰蓋聞虞舜之時游於巖

廊之上垂拱無為而天下太平周文王至於日昃不暇
食而宇內亦治夫帝王之道豈不同條共貫與何逸勞
之殊也蓋儉者不造元黃旌旗之飾及至周室設兩觀

乘大路朱干玉戚八佾陳於庭而頌聲興夫帝王之道
豈異指哉或曰良玉不琢又云非文亡以輔德二端異
焉殷人執五刑以督姦傷肌膚以懲惡成康不式四十
餘年天下不犯囹圄空虛秦國用之死者甚衆刑者相
望耗矣哀哉烏虜朕夙寤晨興惟前帝王之憲永思所
以奉至尊章洪業皆在力本任賢今朕親耕藉田以為
農先勸孝弟崇有德使者冠蓋相望問勤勞恤孤獨盡
思極神功烈休德未始云獲也今陰陽錯繆氛氣充塞

群生寡遂黎民未濟廉耻貿亂賢不肖渾轂未得其真
故詳延特起之士意庶幾乎今子大夫待詔百有餘人
或道世務而未濟稽諸上古之不同考之於今而難行
毋迺牽於文繫而不得騁與將所繇異術所聞殊方與
各悉對著於篇毋諱有司明其指畧切磋商究之以稱朕
意仲舒對曰臣聞堯受命以天下為憂而未以位為樂
也故誅逐亂臣務求賢聖是以得舜禹稷禹咎繇衆聖
輔德賢能佐職教化大行天下和洽萬民皆安仁樂誼

各得其宜動作應禮從容中道故孔子曰如有王者必
世而後仁此之謂也堯在位七十載廼遜于位以禪虞
舜堯崩天下不歸堯子丹朱而歸舜舜知不可辟乃即
天子之位以禹為相因堯之輔佐繼其統業是以垂拱
無為而天下治孔子曰韶盡美矣又盡善也此之謂也
至於殷紂逆天暴物殺戮賢知殘賊百姓伯夷太公皆
當世賢者隱處而不為臣守職之人皆奔走逃亡入于
河海天下耗亂萬民不安故天下去殷而從周文王順

天理物師用賢聖是以閔天太顛散宜生等亦聚於朝
廷愛施兆民天下歸之故太公起海濱而即三公也當
此之時紂尚在上尊卑昏亂百姓散亡故文王悼痛而
欲安之是以日昃而不暇食也孔子作春秋先正王而
繫萬事見素王之文焉繇此觀之帝王之條貫同然而
勞逸異者所遇之時異也孔子曰武盡美矣未盡善也
此之謂也臣聞制度文采元黃之飾所以明尊卑異貴
賤而勸有德也故春秋受命所先制者改正朔易服色

所以應天也然則宮室旌旗之制有法而然者也故孔子曰奢則不遜儉則固儉非聖人之中制也臣聞良玉不琢資質潤美不待刻琢此亡異於達巷黨人不學而自知也然則常玉不琢不成文章君子不學不成其德臣聞聖王之治天下也少則習之學長則材諸位爵祿以養其德刑罰以威其惡故民曉於禮誼而耻犯其上武王行大誼平殘賊周公作禮樂以文之至於成康之隆囹圄空虛四十餘年此亦教化之漸而仁義之流非

獨傷肌膚之效也至秦則不然誅名而不察實為善者不必免而犯惡者未必刑也是以刑者甚衆死者相望而姦不息俗化使然也故孔子曰導之以政齊之以刑民免而無耻此之謂也

按仲舒本傳此下有今陛下并有天下一段凡百餘字此本刪

去文義未足

陛下親耕藉田以為農先風寤晨興憂勞萬民

思惟往古而務以求賢此亦堯舜之用心也然而未云獲者士素不厲也夫不素養士而欲求賢譬猶不琢玉而求文采也

按仲舒本傳此下有故養士之大者莫大乎太學一段凡四百餘字此本刪去文義

未足

陛下加惠寬臣之罪令勿牽制於文使得切磋究之
臣敢不盡愚於是天子復冊之制曰蓋聞善言天者必
有徵於人善言古者必有驗於今故朕垂問庠天人之
應上嘉唐虞下悼桀紂寢微寢滅寢明寢昌之道虛心
以改今子大夫明於陰陽所以造化習於先聖之道業
然而文采未極豈惑虐當世之務哉條貫靡竟統紀未
終意朕之不明與聽若眩與夫三王之教所祖不同而
皆有失或謂久而不易者道也意豈異哉今子大夫既

已著大道之極陳治亂之端矣其悉之究之孰之復之
詩不云乎嗟爾君子毋常安息神之聽之介爾景福朕
將親覽焉子大夫其茂明之仲舒復對曰臣聞論語曰
有始有卒者其唯聖人乎今陛下幸加惠留聽於承學
之臣復下明冊以切其意而究盡聖德非愚臣之所能
具也前所上對條貫靡竟統紀不終辭不別白指不分
明此臣淺陋之罪也冊曰善言天者必有徵於人善言
古者必有驗於今臣聞天者羣物之祖也故徧覆包函

而無所殊建日月風雨以和之經陰陽寒暑以成之故
聖人法天而立道亦溥愛而無私布德施仁以厚之設
誼立禮以導之春者天之所以生也仁者君之所以愛
也夏者天之所以長也德者君之所以養也霜者天之
所以殺也刑者君之所以罰也繇此言之天人之徵古
今之道也孔子作春秋上揆之天道下質諸人情參之
於古考之於今故春秋之所譏災害之所加也春秋之
所惡怪異之所施也書邦家之過兼災異之變以此見

人之所為其美惡之極乃與天地流通而往來相應此亦言天之一端也古者修教訓之官務以德善化民民已大化之後天下常亡一人之獄矣今世廢而不修亡以化民民以故棄行誼而死財利是以犯法而罪多一歲之獄以萬千數以此見古之不可不用也故春秋變古則譏之天令之謂命命非聖人不行質樸之謂性性非教化不成人欲之謂情情非制度不節是故王者上謹於承天意以順命也下務明教化民以成性也正法

度之宜別上下之序以防欲也修此三者而大本舉矣
人受命於天固超然異於羣生入有父子兄弟之親出
有君臣上下之誼會聚相遇則有耆老長幼之施粲然
有文以相接驩然有恩以相愛此人之所以貴也生五
穀以食之桑麻以衣之六畜以養之服牛乘馬圉豹檻
虎是其得天之靈貴於物也故孔子曰天地之性人為
貴明於天性知自貴於物知自貴於物然後知仁誼知
仁誼然後重禮節重禮節然後安處善安處善然後樂

循理樂循理然後謂之君子故孔子曰不知命亡以為
君子此之謂也冊曰上嘉唐虞下悼桀紂寢微寢滅寢
明寢昌之道虛心以改臣聞衆少成多積小致鉅故聖
人莫不以晦致明以微致顯是以堯發於諸侯舜興虜
深山非一日而顯也蓋有漸以致之矣言出於已不可
塞也行發於身不可掩也言行治之大者君子之所以
動天地也故盡小者大慎微者著詩云惟此文王小心
翼翼故堯兢兢日行其道而舜業業日致其孝善積而

名顯德彰而身尊此其寢明寢昌之道也夫善惡之相
從如影響之應形聲也故桀紂暴謾讒賊並進賢知隱
伏惡日顯國日亂晏然自以如日在天終陵夷而大壞
夫暴逆不仁者非一日而亡也亦以漸至故桀紂雖亡
道然猶享國十餘年此其寢微寢滅之道也冊曰三王
之教所祖不同而皆有失或謂久而不易者道也意豈
異哉臣聞夫樂而不亂復而不厭者謂之道道者萬世
無弊弊者道之失也先王之道必有偏而不舉之處故

政有眊而不行舉其偏者以補其弊而已矣三王之道所祖不同非其相反將以揅溢扶衰所遭之變然也故孔子曰無為而治者其舜庠改正朔易服色以順天命而已其餘盡循堯道何更為哉故王者有改制之名亡變道之實然夏上忠殷上敬周上文者所繼之揅當用此也孔子曰殷因於夏禮所損益可知也周因於殷禮所損益可知也其或繼周者雖百世可知也此言百王之用以此三者矣夏因於虞而獨不言所損益者其道

如一而所上同也道之大原出於天天不變道亦不變
是以禹繼舜舜繼堯三聖相受而守一道亡救弊之政
也故不言其所損益也

按原本無先王之道以下至此當是脫落今補入

繇是

觀之繼治世者其道同繼亂世者其道變今漢繼大亂
之後若宜少損周之文致用夏之忠者陛下有明德嘉
道愍世俗之靡薄悼王道之不昭故舉賢良方正之士
論誼考問將欲興仁誼之休德明帝王之法制建太平
之道也臣愚不肖述所聞誦所學道師之言塵能勿失

耳若廼論政事之得失察天下之息耗此大臣輔佐之職三公九卿之任非臣仲舒所能及也然而臣竊有怪者夫古之天下亦今之天下今之天下亦古之天下共是天下古亦大治以古準今壹何不相逮之遠也安所繆盭而陵夷若是意者有所失於古之道與有所詭於天之理與試迹之古返之於天倘可得見乎夫天亦有所分子予之齒者去其角傅之翼者兩其足是所受大者不得復取小也古之所予祿者不食於力不動於末

是亦受大者不得取小與天同意者也夫已受大又取
小天不能足而況人乎此民之所以囂囂苦不足也身
寵而載高位家溫而食厚祿因乘富貴之資力以與民
爭利於下民安能如之哉是故衆其奴婢多其牛羊廣
其田宅博其產業畜其委積務此而亡已以迫蹙民
日朶月削寢以大窮

按原本無安所繆盭以下
至此當是脫落今補入

富者奢

侈羨溢貧者窮急愁苦窮急愁苦而上不救則民不樂
生民不樂生尚不避死安能避罪此刑罰之所以蕃而

姦邪不可勝者也故受祿之家食祿而已不與民爭業
然後利可均布而民可家足此上天之理而亦太古之
道天子之所宜法以為制大夫之所當循以為行也故
公儀子相魯之其家見織帛怒而出其妻食於舍而茹
葵愠而拔其葵曰吾已食祿又奪園夫紅女利虐古之
賢人君子在列位者皆如是是故下高其行而從其教
民化其廉而不貪鄙及至周室之衰其卿大夫緩於誼
而急於利亡推讓之風而有爭田之訟故詩人疾而刺

之曰節彼南山惟石巖巖赫赫師尹民具爾瞻爾好誼則民鄉仁而俗善爾好利則民好邪而俗敗由是觀之天子大夫者下民之所視效遠方之所四面而內望也近者視而放之遠者望而效之豈可以居賢人之位而

為庶人行哉

考異曰仲舒對策傳不著年唯本紀載於元光元年下又云公孫宏出馬按宏傳武

帝初即位招賢良文學士是時宏年六十以賢良徵為博士元狩二年宏年八十終丞相位自元狩逆數至武帝即位之初蓋二十年則宏之初舉賢良其在建元元年明矣至於復徵又元光五年也本紀云公孫宏出馬殊誤今不取司馬公通鑑併董仲舒疑以為不當列於此年謂舉孝廉在十一月對策在五月如此豈得謂自

仲舒發之遂移於建元元年今以仲舒策考之移於元年與當時事勢殊不合仲舒曰今臨政而願治七十餘歲矣漢興至建元之元方六十七年不應以為七十餘歲也至元光之元乃七十三年故可云爾又曰并有天下海內莫不率服夜郎康居殊方萬里說德歸義武帝建元之初亦無通夜郎之事考地理志建元六年開犍為郡即夜郎地夜郎以建元六年通故次年對策及此也然則漢書紀載於元光元年得之矣故荀紀從焉或曰審如此舉孝廉何為在十一月對策何為在五月以愚度之或史氏誤載固未可知或傳流之遠顛倒失次亦未可知或未變太初歷前之月日史氏偶失未改遂用已改之例倒之亦未可知蓋漢初以夏十月為正月十一月為二月終於九月為十二月及武帝改太初歷用夏正史氏紀蓋恐其與改月日澗併追改以前月耳舉孝廉之十一月意者當時之八月也對策之五月意者當時之二月也史氏既失於追改遂用前例以十一

月列於前耳不然武帝故事何以先載仲舒對策而始以舉孝廉繼之耶或又曰仲舒傳載對策畢為江都相中廢為中大夫又云遼東高廟災仲舒推說其意主父偃竊奏之仲舒由是得罪二災在建元六年使對策在元光元年不應先於建元六年以論災異抵罪也以史考之仲舒所論非當年事也蓋追記耳故仲舒傳云先是遼東高廟災而荀紀亦載遼東高廟災其後董仲舒云云觀此二言則知非建元六年致論明矣史記儒林傳云仲舒自江都相中廢為中大夫居舍著災異之記然則仲舒私家著記因追述二災未可知也今仲舒對策從漢書本紀荀氏漢紀載於此年又依武帝故事以舉孝廉事附焉至於相江都論三仁著災異記以次列焉

初令郡國舉孝廉各一人

通鑑

以仲舒為江都相仲舒

相易王王問仲舒曰粵王句踐與大夫泄庸種蠡謀伐

吳遂滅之孔子稱殷有三仁寡人亦以為粵有三仁桓公決疑於管仲寡人決疑於君仲舒對曰臣愚不足以奉大對聞昔者魯君問柳下惠吾欲伐齊何如柳下惠曰不可歸而有憂色曰吾聞伐國不問仁人此言何為至於我哉徒見問耳且猶羞之况設詐以伐吳虜繇此言之粵本無一仁夫仁人者正其誼不謀其利明其道不計其功是以仲尼之門五尺之童羞稱五伯讀曰霸為其先詐力而後仁誼也苟為詐而已故不足稱於大君

子之門也五伯比於他諸侯為賢其比三王猶武夫之與美玉也王曰善仲舒治國以春秋災異之變推陰陽所以錯行故求雨閉諸陽縱諸陰其止雨反是行之一

國未嘗不得所欲中廢為中大夫

仲舒傳

居舍著災異之

記先是遼東高廟災高園便殿火仲舒推說其意以為高廟不當居遼東高園殿不當居陵旁天災若語陛下當今之世視親戚貴屬在諸侯遠正最甚者忍而誅之如吾燔高廟廼可視近臣在國中處旁仄及貴而不正

者忍而誅之如吾燔高園殿廼可云爾在外而不正者雖貴如高廟猶災燔之況諸侯乎在內而不正者雖貴如高園殿猶燔災之況大臣乎此天意也臯在外者天

災外臯在內者天災內燔甚罪當重燔簡罪當輕承天

意之道也上召視諸生示其書有譏刺

漢書五行志史記儒林傳

仲

舒弟子呂步舒不知其師書以為大愚於是下仲舒吏

當死詔赦之仲舒遂不敢復言災異

仲舒傳

六月客星見

于房

天文志

秋七月癸未先晦一日日有蝕之

荀紀

是歲天

星盡搖上問候星者對曰星搖者民勞也

荀紀漢書
天文志

二年冬十月上初至雍郊見五時後常三歲一郊是時
上求神君舍之上林中礪氏觀神君者長陵女子以乳
死見神於先後宛若宛若祠之其室民多往祠平原君
亦往祠其後子孫以尊顯上厚禮置祠之內中聞其言
不見其人云亳人謬忌奏祠太一方曰天神貴者太一
太一佐曰五帝古者天子以春秋祭太一東南郊用太
牢七日為壇開八通之鬼道於是天子令太祝立其祠

長安東南郊常奉祠如忌方其後人有上書言古者天子三年壹用太牢祠神三天一地一太一天子許之令太祝領祠之於忌太一壇上如其方後人復有言古者天子常以春解祠祠黃帝用一梟破鏡冥羊用羊祠馬行用一青牡馬太一臯山山君用牛武夷君用乾魚陰陽使者以一牛令祠官領之如其方而祠於忌太一壇旁

封禪書
郊祀志

春鴈門馬邑豪聶壹因大行王恢言匈奴

初和親親信邊可誘以利致之伏兵襲擊必破之道也

上召問公卿曰今欲舉兵攻之何如大行恢對曰陛下雖未言臣固願效之今以陛下之威海內為一天下同任又遣子弟乘邊守塞轉粟輓音晚輸以為之備然匈奴侵盜不已者無它以不恐之故耳臣竊以為擊之便御史大夫韓安國曰不然臣聞高皇帝嘗圍於平城匈奴至者投鞍高如城者數所平城之飢七日不食天下歌之後結和親至今為五世利孝文皇帝又嘗壹擁天下之精兵聚之廣武常谿然終無尺寸之功而天下黔首

無不憂者孝文寤於兵之不可宿故復合和親之約此
二聖之迹足以為效矣臣竊以為勿擊便慨曰不然臣
聞五帝不相襲禮三王不相復

扶目反

樂非故相反也各

因世宜也今邊境數驚士卒傷死中國檣

音衛

車相望此

仁人之所隱也臣故曰擊之使安國曰不然臣聞利不

十者不易業功不百者不變常是以古之人君謀事必

就祖發政占古語重作事也且自三代之盛夷狄不與

讀曰正朔服色非威不能制彊弗能服也以為遠方絕

豫

地不收之民不足煩中國也且匈奴輕疾悍亟

居力反

兵也至如焱

必遙反

風去如收電畜牧為業弧弓射獵逐

獸隨草居處無常難得而制今使邊郡久廢耕織以支

胡之常事其勢不相權也臣故曰勿擊便恢曰不然臣

聞鳳鳥乘於風聖人因於時昔秦繆

讀與穆同

公都雍地方

三百里知時宜之變攻取西戎辟

讀曰闢

地千里并國十

四隴西北地是也及後蒙恬為秦侵胡辟數千里以河

為竟

讀曰境

累石為城樹榆為塞匈奴不敢飲馬於河置

烽燧然後敢牧馬夫匈奴獨可以威服不可以仁畜也
今以中國之盛萬倍之資遣百分之一以攻匈奴譬猶
以彊弩射且潰之癰也必不留行矣若是則北發月氏
支讀曰可得而臣也臣故曰擊之便安國曰不然臣聞之

衝風之衰不能起毛羽彊弩之末力不能入魯縞夫盛
之有衰猶朝之必莫也今將卷甲輕舉深入長毆疾則
糧乏徐則後利不至千里人馬乏食兵法曰遺弋季反人

獲也意者有它繆巧可以禽之則臣不知也不然則未

見深入之利也臣故曰勿擊便恢曰不然夫草木遭霜者不可以風過清水明鏡不可以形逃通方之士不可以文亂今臣言擊之者固非發而深入也將順因單于之欲誘而致之邊吾選梟騎壯士陰伏而處以為之備審遮險阻以為之戒吾執已定或營其左或營其右或當其前或絕其後單于可禽百全必取上曰善廼從恢安國為護軍將軍衛尉李廣為驍騎將軍太僕公孫賀

議韓安國傳 考異曰蓋元年

壹始言之二年議乃決也

夏六月以御史大夫韓

為輕車將軍大行王恢為將屯將軍太中大夫李息為材官將軍將三十萬衆屯馬邑谷中

本紀

諸將皆屬護軍

約單于入馬邑縱兵王恢李息別從代主擊輜重

直用反

陰使聶壹為間闌出物與匈奴交易陽為賣馬邑城以誘單于曰吾能斬馬邑令丞以城降財物可盡得單于愛信以為然而許之於是單于穿塞將十萬騎入武州塞未至馬邑百餘里見畜布野而無人牧者得尉史知漢謀去漢兵追至塞度

徒各反

弗及王恢等皆罷兵匈奴

絕和親攻當路塞往往入盜於漢邊不可勝數

韓安國匈奴傳

太史公曰嚴助朱買臣等招來東甌事兩越江淮之間蕭然煩費矣唐蒙司馬相如開路西南夷鑿

山通道千餘里以廣巴蜀巴蜀之民罷馬彭吳賈

滅朝鮮畧歲州

三字本嚴安傳

置滄海之郡則燕齊之間

靡然發動及王恢設謀馬邑匈奴絕和親侵擾北

邊兵連而不解天下苦其勞而干戈日滋行者齎

居者送中外騷擾而相奉百姓抗弊以巧法財賂

衰耗而不贍入物者補官出貨者除罪選舉陵遲廉耻相冒武力進用法嚴令具興利之臣自此始

也

平準書

上嘗輦至郎署一老郎鬢眉皓白衣服不整上問曰公何時為郎何其老也對曰臣姓顏名駟江都人也以文帝時為郎上曰何其不遇也駟曰文帝好文而臣好武景帝好老而臣尚少陛下好少而臣已老是以三世不遇也上感其言將擢用之韓安國諫曰無才能者託於

不遇陛下如擢用之臣恐名實亂也上弗聽乃用為會


稽都尉

武帝故事考異曰此事見武帝故事不知其時元書於馬邑事後今附是歲之末

三年祁侯繒它坐大射擅罷去免

功臣表案祁侯繒它免史記漢書功臣

表皆作二年此作三年未知何據



--	--	--	--	--	--	--	--

欽定四庫全書

西漢年紀卷九

宋 王益之 撰

景帝

孝景皇帝諱啟孝文中子也母竇皇后孝文在代時前王后有二男及竇后得幸前后死及三子更死故帝得

立

考異曰此史記本紀所載也漢書作文帝太子史記以為中子史記作三男漢書外戚傳云竇姬至代代

王獨幸竇姬

生女嫫嫫孝惠七年生景帝代王王后生四男先代王未入立為帝而王后卒及代王為帝後王后

所生四男更病死以漢書之辭較之史記後七年六月乙巳所載則史遷之用意深矣今從史記

已立太子妃薄氏為皇后

外戚傳

乙卯

恩澤侯表

封皇太后弟

竇廣國為章武侯長君先死封其子彭祖為南皮侯

外戚

傳

考異曰荀紀載章武事於後七年文帝未崩之前

非也竇太后欲侯王信景帝曰南皮章武先帝不侯及

臣即位始侯之是廣國之封非文帝時明矣文帝以六

月己亥崩廣國以六月乙卯封時文帝崩已十六日矣

荀悅徒以漢表載文帝後七年封故附

於文帝未崩之前是蓋失於不考耳

帝既立廷尉張

釋之恐稱疾欲免去懼大誅至欲見則未知何如用處

士王生計卒見謝帝不過也

釋之傳

九月有星孛於西方

紀本其本直尾箕末指虛危長丈餘及天漢十六日不見

五行志

元年夏四月初文帝尊寵楚元王子生爵比皇子帝即

位以親封元王寵子四人

表以四月乙巳封

禮為平陸侯富為

休侯歲為沈

音審

猶侯甄

古藝字

為宛朐侯

楚元王傳

至是以平

陸侯禮為宗正

百官表皇族為之

杜氏通典曰宗正而漢皆以

他姓至晉始兼以庶姓

匈奴入代

史記紀

遣御史大夫青至代下與匈奴約和親

漢書本紀

考異曰

按史記本紀云匈奴入代與約和

親漢書本紀

止書遣

御史大夫至代下與匈奴和親而

不書匈奴入代使匈奴不入代青當至單于庭約可也

何由至於代乎今從史記又漢書本紀作御史大夫青

西漢年記

三

翟說者遂指為莊青翟殊不知莊青翟乃武帝時人未嘗及事景帝也按百官表是時陶青為御史大夫翟字為衍當是流俗妄加小顏之說為是今從之刊去翟字五月令民半出田租三十

而稅一年食貨志考異曰食貨志以為二年今從史記漢書本紀載於元年廷尉張釋之

以前過出為淮南相釋之傳考異曰按釋之傳事景帝歲餘為淮南相帝以去年六月

即位至元年七月謂之歲餘可也本紀元年秋秋七月七月詔議有廷尉信名今書釋之之去於其前

詔曰吏受所監臨以飲食免重受財物賤買貴賣論輕

廷尉與丞相更議著令紀本又詔曰加笞與重罪無異幸

而不死不可為人其定律笞五百曰三百笞三百曰二

百

刑法志律之後

考異曰刑法志以為元年今載於定臧吏按原本無吏受所監臨以飲食至更議著

令一段以考異觀之當是脫落今補入

分置左右內史

百官表

考異曰漢書百官表以為

二年按鼂錯為左內史在元年宜得二年方分置耶今移於此

以中大夫鼂錯為左內

史

百官表

以太中大夫周仁為郎中令周仁為人陰重不

泄常衣敝補衣溺袴故為不潔清以是得幸入卧內於

後宮祕戲仁常在旁終無所言上時問人仁曰上自察

之然亦無所毀如此帝再自幸其家

周仁傳

以太子太傅

石奮為九卿帝以其迫近憚之徙奮為諸侯相奮長子

建次甲次乙次慶皆以馴行孝謹官至二千石於是帝

曰石君及四子皆二千石人臣尊寵廼舉集其門凡號

奮為萬石君

石奮傳

初文帝嘗病癰鄧通常為上噉

山角反

吮

自充反

之上不樂從容問曰天下誰最愛我者乎通曰

宜莫若太子太子入問疾上使太子齧

仕客反

癰太子齧

癰而色難之已而聞通嘗為上齧之太子慙繇

讀與由同是

心恨通及文帝崩太子立鄧通免家居居無何人有告

通盜出徼外鑄錢

顏曰徼猶塞也東北謂之塞西南謂之徼塞者以障塞為名徼者取徼遮

之義徵音
工鈞反

下吏驗問頗有遂竟案盡沒入之適竟不得

名一錢寄死人家

鄧通傳

二年冬十月楚王戊趙王遂梁王武來朝

火記表

春三月

甲寅立皇子德為河間王

都樂城

閼為臨江王

都江陵

餘為

淮陽王

都陳

非為汝南王

都平輿

彭祖為廣川王

都信都

發為

長沙王

都臨湘書本紀

德閼栗姬子餘非程姬子彭祖賈夫

人子發唐姬子也唐姬故程姬侍者帝召程姬程姬有

所避不願進而飾侍者唐兒使夜進上醉不知以為程

姬而幸之遂有身已乃覺非程姬也及生子因名曰發

以其母微無寵故王卑濕貧國

五宗世家

以中郎將衛綰為

河間王太傅帝立歲餘不孰何綰綰日以謹力帝幸上

林詔綰參乘還而問曰君知所以得參乘乎綰曰臣代

戲車士幸得功次遷待罪中郎將不知也上問曰吾為

太子時召君君不肯來何也對曰死罪病上賜之劍綰

曰先帝賜臣劍凡六不敢奉詔上曰劍人之所施

戈反

易獨至今乎綰曰具在上使取六劍劍常盛

音未嘗服

也郎官有譴常蒙其罪不與它將爭有功常讓它將上

以為廉忠實無它腸乃拜綰為河間王太傅

綰傳

河間王

修學好古實事求是從民得善書必為好寫與之留其

真金帛賜以招之繇

與由同

是四方道術之人不遠千里

或有先祖舊書多奉以奏河間王者故得書多與漢朝

等是時淮南王安亦好書所招致率多浮辯河間王所

得書皆古文先秦舊書周官尚書禮禮記孟子老子之

屬皆經傳說記七十子之徒所論其學舉六藝立毛氏

詩左氏春秋博士

河間王傳

趙人貫公嘗從賈誼受所為左

氏傳訓故以貫公為博士

儒林傳

河間王修禮樂被服儒

術造次必於儒者山東諸儒多從而游

河間王傳

夏四月壬

午太皇太后薄氏崩

漢書紀

天子朝臣並居重服

通典葬南

陵用吕后不合葬長陵故特自起陵近文帝

外戚傳

六月

先是鄼侯蕭則有罪免至是帝制詔御史故相國蕭何

高皇帝大功臣所與為天下也今其嗣絕朕甚憐之其

以武陽縣戶二千封則弟嘉為列侯

漢書本紀功臣表

蕭何傳考異曰

漢書本紀作蕭係而蕭何傳及功臣表皆作嘉當是紀誤今從傳表八月丁巳以御史大

夫開封侯陶青為丞相

荀紀

考異曰百官表作丁未荀紀作丁巳按長歷是年八月

丙辰朔則丁巳乃八月初二日而丁未先於丙辰九日則是八月無丁未明矣荀紀之書如此蓋是時本猶未誤龜錯拜御史大夫亦以丁巳是與陶青之相蓋同一日也今從荀紀

太史公曰自申屠嘉死之後開封侯陶青桃侯劉

舍為丞相及今上

謂武帝也

時柏至侯許昌平棘侯薛

澤武強侯莊青翟高陵侯趙周等為丞相皆以列

侯繼嗣

七角反

姪廉謹為相備員而已無所能發

明功名有著於當世者

以鼂錯為御史大夫錯說上曰昔高帝初定天下昆弟少諸子弱大封同姓故孽子悼惠王王齊七十二城庶弟元王王楚四十城兄子王吳五十餘城封三庶孽分天下半今吳王前有太子之隙詐稱病不朝於古法當誅文帝不忍因賜几杖德至厚也不改過自新乃益驕恣公即山鑄錢煮海為鹽誘天下亡人謀作亂逆今削之亦反不削亦反削之其反亟禍小不削之其反遲禍

大吳王因請諸侯之罪過削其支郡奏上上令公卿列

侯宗室雜議莫敢難獨詹事實嬰爭之繇此與錯有隙

錯嬰實太后從兄子也喜賓客孝文時嘗為吳相嬰時

趙王有罪削其常山郡膠西王卬以賣爵事有姦削其

六縣吳王

三年冬十月楚王戊據吳王梁王武河間王德廣川王

彭祖來朝史記御史大夫鼂錯言楚王戊往年為薄太

后服私姦服舍請誅之詔赦削東海郡吳王戊乃與吳

通謀鄒陽奏書諫吳王吳王不納其言是時帝少弟梁

王貴盛亦待士於是鄒陽枚乘嚴忌知吳不可說皆去

之梁

鄒陽傳

膠東下客人年七十餘生角角有毛

荀氏漢紀

十

一月白項烏與黑項烏共鬪楚國苦縣白項烏不勝墮

泗水中死者過半

荀氏漢紀

十二月吳城門自傾大船自覆

荀氏漢紀

鼂錯所更令三十章諸侯謹譁錯父聞之從潁川

來謂錯曰上初即位公為政用事侵削諸侯疏人骨肉

口讓多怨公何為也錯曰固也不如此天子不尊宗廟

不安父曰劉氏安矣而鼂氏危吾去公歸矣遂飲藥死

曰吾不忍見禍逮身

錯傳七國反

考異曰錯傳謂後十餘日按七國以正月反錯父之

死當在前今附於十二月末

春正月諸侯既新削罰震恐多怨錯及

削吳會稽豫章郡書至吳王遂先起兵丙午誅漢吏二

千石以下

考異曰史記吳王濞傳載云吳王遂先起兵膠西正月丙午誅漢吏二千石以下後又云

孝景帝三年正月甲子起兵於廣陵所載不同如此按劉義叟長歷是年正月癸未朔而丙午乃二十四日也

此月無甲子當以丙午為是今從之楚削書至王戊遂應吳王反其相張

尚太傅趙夷吾諫不聽遂殺尚夷吾起兵會吳

楚事據楚元王

傳膠西膠東菑川濟南趙亦皆反趙相建德內史王悍

諫王遂不聽遂燒殺建德悍發兵住其西界欲待吳楚

俱進北使匈奴與連和

趙事據趙王傳

齊王將閭後悔背約城

守濟北王志城壞未完其郎中令劫守王不得發兵

吳王

傳吳使使至淮南淮南王安欲發兵應之其相曰王必

欲應吳臣願為將王乃屬

反欲

之相已將兵因城守不

聽王而為漢吳使者至廬江廬江王賜不應至衡山衡

山王勃堅守無二心

淮南王傳

膠西王卬為渠率與膠東菑

川濟南共攻圍臨菑吳王濞悲其士卒下令國中曰寡人年六十二身自將少子年十四亦為士卒先諸年上與寡人比下與少子等者皆發發二十餘萬人南使閩東越閩東越亦發兵從吳王西涉淮因併楚兵發使遺諸侯書曰吳王劉濞敬問膠西王膠東王菑川王濟南王趙王楚王淮南王衡山王廬江王故長沙王子幸教寡人以漢有賊臣錯無功天下侵奪諸侯地使吏劾繫訊治以僂辱之為故不以諸侯人君禮遇劉氏骨肉絕

先帝功臣進任姦女究誑亂天下欲危社稷陛下多病志
逸不能省察欲舉兵誅之謹聞教敝國雖狹地方三千
里人民雖少精兵可具五十萬寡人素事南越三十餘
年其王諸君皆不辭分其兵以隨寡人又可得三十餘
萬寡人雖不肖願以身從諸王南越音直長沙者因王
子定長沙以北西走蜀漢中告越楚王淮南三王與寡
人西面齊諸王與趙王定河間河內或入臨晉關或與
寡人會碓陽燕王趙王故與胡王有約燕王北定代雲

中轉胡衆入蕭關走音奏長安匡正天下以安高廟願王

勉之楚元王子淮南三王或不洗沐十餘年怨入骨髓

欲一有所出久矣寡人未得諸王之意未敢聽今諸王

苟能存亡繼絕振弱伐暴以安劉氏社稷所願也敝國

雖貧寡人節衣食之用積金錢修兵革聚穀食夜以繼

日三十餘年矣凡皆為此願諸王勉之能斬捕大將者

賜金五千斤封萬戶列將三千斤封五千戶裨將二千

斤封二千戶二千石千斤封千戶皆為列侯其以軍若

城邑降者卒萬人邑萬戶如得大將人戶五千如得列將人戶三千如得裨將人戶千如得二千石其小吏皆以差次受爵金他封賜皆倍常法其有故爵邑者更益勿因願諸王明以令士大夫弗敢欺也寡人金錢在天
下者往往而有非必取於吳諸王日夜用之弗能盡有
當賜者告寡人寡人且往遺之敬以聞七國反書聞上
大赦天下吳王傳本紀與鼂錯議出軍事錯欲令上自將而
身居守不用乃拜條侯周亞夫為太尉將三十六將軍

往擊吳楚

考異曰灌夫傳云吳楚反時潁陰侯灌何為將軍屬太尉請灌益為校尉其子夫以十人

與父俱韓王信傳云吳楚反時弓高侯功冠諸將直不疑傳云吳楚反時不疑以二千石將擊之李廣傳云吳楚反時廣為驍騎都尉從太尉亞夫戰昌邑下顯名以梁王授廣將軍印故還賞不行又按表程嘉公孫昆邪蘇息皆以將軍擊吳楚所謂三十六遣曲周侯酈寄擊將軍其可見者纔如此餘皆無考

趙將軍藥布擊齊曲城侯蟲提將兵救淮南王

見淮南王傳

拜竇嬰為大將軍屯滎陽監齊趙兵上察宗室諸竇無

如嬰賢召入見固讓謝稱病不足任太后亦慙於是上

曰天下方有急王孫

嬰字

寧可以讓邪乃賜金十斤

竇嬰吳王

漢時汝南王非年十五有材氣上書自請擊吳帝賜非

將軍印

此事據江都王傳

詔河間王太傅衛綰將河間兵擊吳

楚

衛綰傳

鼂錯素與袁盎有却錯以盎前為吳相宜知王

謀而蔽匿不言使至於是欲請治盎

荀紀

丞史曰事未發

治之有絕今兵西向治之何益且盎不宜有謀錯猶與

未決人有告盎盎恐夜見竇嬰為言吳所以反願至前

口對狀嬰入言上乃召盎

考吳曰吳王傳云吳楚反書聞兵未發竇嬰言故吳相袁

盎蓋是時嬰雖為大將軍猶未行也

盎入見曰吳楚相遺書言賊臣鼂錯

擅謫諸侯削奪之地以故反方今計獨有斬錯則兵可

毋血刃而俱罷於是上曰吾不愛一人謝天下壬子

兩字

見百官表廼使中尉召錯給載行市錯衣朝衣斬東市

錯傳

太史公曰鼂錯明於世務刑名數干諫上曰今大

國專治異政不稟京師恐不可傳後帝用其計而

七國畔逆以錯首名天子誅錯以解難是後官者

養交安祿而已莫敢復議

禮書

周亞夫至雒陽見劇孟喜曰七國反吾乘傳至此不自

意全且舉大事而不求劇孟吾知其無能為已

遊俠傳

孟今無動吾據滎陽滎陽以東無足憂者亞夫問故絳

侯客鄧都尉曰策安出客曰吳楚兵銳甚難與爭鋒楚

兵輕不能久方今為將軍計莫若引兵東北壁昌邑以

梁委吳吳必盡銳攻之將軍深溝高壘使輕兵絕淮泗

口塞吳餉道使吳梁相敵而糧食竭乃以全制其極破

吳必矣條侯曰善從其策

考異曰此見吳王漢傳亞夫傳謂亞夫未發長安時自請

於上曰楚兵剽輕難與爭鋒願以梁委吳絕其食道即鄧都尉之策也亞夫因鄧都尉之言而從其計豈得先

為上言之本傳之誤可見荀紀不載亞夫所請事得之矣今從之

吳攻梁急梁請救亞

夫引兵東北走

音

深壁而守梁王使使請亞夫亞夫守

便宜不往又使使愬條侯於上上使人告條侯救梁亞

夫不奉詔堅壁不出而使弓高侯等將輕騎兵出淮泗

口絕吳楚兵後食道梁使韓安國及楚死事相弟張羽

為將扞吳兵於東界時丁寬亦為梁將軍號丁將軍

寬傳

云寬嘗從田何受易作易說三萬言訓故舉大誼而已

羽力戰安國持重乃得頗

敗吳兵

亞夫吳王韓安國傳通鑑

枚乘獻書諫吳王曰

枚乘本仕吳去之梁今吳

兵圍梁故以書諫也昔秦西距胡戎之難北備榆中之關南距羗

笮才各反之塞東當六國之從六國併力一心以備秦然

卒滅六國而并天下是何也地利不同而民輕重不等也今漢據全秦之地兼六國之衆此其地與秦相什而民相百大王所明知也今佞諛之臣不論骨肉之義民之輕重國之大小以為吳禍此臣所以為大王患也夫舉吳兵以訾於漢譬猶蠅蚋之附羣牛腐肉之齒利劍鋒刃始接則無事矣天子聞吳率失職諸侯責先帝之

遺約親誅其三公以謝前過是大王之威加於天下而功越於湯武矣夫吳有諸侯之位而實富於天子有隱匿之名而居過於中國此臣之所以為大王樂也今大王還兵疾歸尚得十半不然漢知吳有吞天下之心赫然加怒羽林黃頭循江而下襲大王之都虜東海之地絕吳餉道梁王飭車騎習戰射積粟固守以備滎陽待吳之飢大王雖欲反都亦不得已今大王去千里之國而制於十里之內張韓將北地弓高宿左右兵不得下

壁軍不得休息臣竊哀之願大王熟察焉吳王不聽乘

傳荀紀

二月吳王兵既破敗走於是天子制詔將軍蓋聞

為善者天報以福為非者天報以殃高皇帝親垂功德

建立諸侯幽王悼惠王絕無後孝文皇帝哀憐加惠王

幽王子遂悼惠王子卬等令奉其先王宗廟為漢藩國

德配天地明並日月而吳王濞背德反義誘受天下亡

命罪人亂天下弊稱疾不朝二十餘年有司數請濞罪

孝文皇帝寬之欲其改行為善今乃與楚王戊趙王遂

膠西王卬濟南王辟光菑川王賢膠東王雄渠約從謀
反為逆無道起兵以危宗廟賊殺大臣及漢使者迫劫
萬民伐殺無罪燒殘民家掘其邱壠甚為虐暴而卬等
又重逆無道燒宗廟鹵御物朕甚痛之朕素服避正殿
將軍其勸士大夫擊反虜擊反虜者深入多殺為功斬
首捕虜比三百石以上皆殺無有所置

吳王傳

壬午晦日

有食之

五行志

考異曰五行志作壬午漢書紀作壬子按長歷壬子乃正月晦日非二月也百官表

罷錯以正月壬子要斬而二月癸丑朔則晦日為壬午無疑今從五行志

三月吳王走保東

越東越殺吳王吳王子子華子駒亡走閩越吳王之棄
其軍亡也軍遂潰往往稍降太尉梁軍楚王戊軍敗自
殺吳楚破而梁所殺虜略與漢中分

吳王梁
孝王傳

太史公曰吳王之王由父省也能薄賦斂使其衆
以擅山海利逆亂之萌自其子興爭技發難卒亡
其本親越謀宗竟以夷隕鼃錯為國遠慮禍反近
身袞益權說初寵後辱故古者諸侯地不過百里
山海不以封母親夷狄以疏其屬蓋為吳邪毋為

權首反受其咎豈益錯邪

夏六月條侯周亞夫平吳楚歸置太尉官以處之

本已傳

已封竇嬰為魏其侯

考異曰史記表作乙已漢書外戚表作已已按長歷是年六月辛亥

朔無乙已有已已當是史記表誤今從漢書外戚表川本漢書亦有作乙已者諸游士賓客爭

歸魏其侯每朝議大事條侯魏其侯諸列侯莫敢與亢

禮

竇嬰傳

騎郎將李廣以驍騎都尉從太尉亞夫戰昌邑

下顯名以梁王授廣將軍印故還賞不行

李廣傳

時賴陰

侯灌何

灌夫傳

弓高侯韓頽當

韓王信傳

平陽侯曹奇直不疑

程嘉蘇息公孫昆邪

功臣表

皆從軍唯弓高侯功冠諸將

韓王信傳

以袁盎為楚相盎嘗上書不用病免

盎傳

太史公曰袁盎雖不好學亦善傳會仁心為質引

義慷慨遭孝文初立資適逢世時以變易

張晏曰謂景帝

及吳楚一說說雖行哉然復不遂鼂錯為家令時

數言事不用後擅權多所變更欲報私讎反以亡

軀語曰變亂古常不死則亡豈錯等謂耶

四年夏四月己巳立皇子榮為皇太子

漢書本紀按原本無立皇太

子事與下文考異不合蓋傳寫脫落今補入使魏其侯竇嬰為太子太傅竇嬰

傳時梁王最親有功又為大國居天下膏腴地多大縣

梁王太后少子愛之賞賜不可勝道於是梁王築東苑

方三百餘里廣睢陽城七十里考異曰通鑑此段載於景帝二年按梁王本傳

云吳楚破明年漢立太子梁最親有功云云立太子既在四年此事在四年無疑今附於立太子之後大

治宮室為復道自宮連屬於平臺三十餘里得賜天子

旌旗從千乘萬騎出稱警入言趨漢儀注皇帝輦動左右侍帷幄者稱警出

殿則傳趨止人清道也擬於天子招延四方豪傑自山東游士羊

勝公孫詭鄒陽之屬莫不至詭多奇計初見日王賜千

金官至中尉號曰公孫將軍多作兵弩弓數千萬而府

庫金錢且百鉅萬珠玉寶器多於京師

梁孝王傳

六月乙亥

徙汝南王非為江都王治吳故國以軍功賜天子旌旗

世家表秋七月臨江哀王闕薨無後國除

本紀年表考異曰自七國反

後諸侯有名無實其始終不書有故則書

是歲南皮侯竇彭祖為奉常

百官表

五年冬十月戊戌日有食之

考異曰漢書本紀書於四年之末又有晦字非也蓋

自未更太初歷以前不應冬十月在歲終故呂氏大事記移於五年之首按長歷是年十月癸酉朔而戊戌乃

二十六日書晦字
亦非今刊去之

周人以商賈為資劇孟以俠顯行大

類朱家而好博多少年之戲孟母死自遠方送喪蓋千

乘及孟死家無十金之財而符離王孟亦以俠稱江淮

之間是時濟南閻氏陳周膚亦以豪聞帝聞之使使盡

誅此屬其後代諸白梁韓毋辟陽翟薛況陝寒孺紛紛

復出焉

游俠傳 考異曰此事見游俠傳不知其時以濟南閻氏事觀之乃在鄆都為濟南守之前帝

閻閻氏豪猾以都為濟南守至則誅滅閻氏首惡餘皆殷粟至七年則都已自濟南守為中尉以勢推之當是

五年今附
於年末

六年冬十二月雷霖雨

紀本

先是藥布衛綰程嘉公孫昆

邪蘇息皆以擊吳楚有功夏四月丁卯封布俞侯綰建

陵侯嘉建平侯己巳封昆邪平曲侯壬申封息江陽侯

表侯秋九月皇后薄氏廢初帝為太子時薄太后娶以為

妃及立為皇后母寵母子太后崩故廢

史記外戚世家

七年冬十月梁王武入朝帝使使持乘輿馬迎梁王於

闕下既朝上疏因留以太后故入則侍帝同輦出則同

車游獵上林中梁之侍中郎謁者著

竹畧反

引籍出入天

子殿門與漢宦官無異梁王十一月乙丑廢太子榮為

臨江王

史記大事記
冬按火記年表

考異曰漢紀作正月史記紀作十一月乙丑太子廢又漢書

梁王傳云十一月上廢栗太子按諸書當是漢書本紀
誤又通鑑作十一月己酉按長歷十一月辛酉朔無己
酉而乙丑乃十一月初五日當
是通鑑為誤今從史記年表 榮母栗姬齊人也初燕

王臧荼有孫女曰臧兒嫁槐里王仲生男信與兩女而

仲死更嫁長陵田氏生男蚡勝文帝時臧兒長女為金

王孫婦生一女矣臧兒卜筮之曰兩女皆當貴臧氏乃

奪金氏婦金氏怒不肯予決乃內之太子宫太子幸愛

之方在身時夢日入懷以告太子太子曰此貴徵也未
生而文帝崩帝即位王夫人生男徹先是臧兒又入其
少女兒姁況羽反兒姁生四男栗姬男最長立為太子長

公主嫖有女欲子為妃栗姬妬而帝諸美人皆因長公
主見得貴幸過栗姬栗姬日怨怒謝長公主不許長公
主欲與王夫人男王夫人許之長公主怒而日讒栗姬
短於帝曰栗姬與諸貴夫人幸姬會帝使侍者祝唾其
背挾邪媚道帝以故望之帝常體不安心不樂屬諸子

為王者於栗姬曰百歲後善視之栗姬怒不肯應言不
遜帝恚心嗾之而未發也長公主日譽王夫人男之美
帝亦賢之又有曩者所夢日符計未有所定王夫人知
帝嗾栗姬因怒未解陰使人趣大臣立栗姬為皇后大
行奏事畢曰子以母貴母以子貴今太子母無號宜立
為皇后帝怒曰是而所宜言邪遂按誅大行而廢太子
外戚世鑑太尉條侯周亞夫太子太傅魏其侯竇嬰固爭
不得周亞夫竇嬰傳栗姬愈恚恨不得見以憂死外戚世家竇嬰謝

病屏居藍田山下諸賓賓客辨士說莫能來梁人高
遂乃說嬰曰能富貴將軍者上也能親將軍者太后也
今將軍傳太子太子廢爭不能拔又不能死自引謝病
擁趙女屏間處而不朝音加抵音加懟音類反音類自明揚主之過
有如兩宮寶嬰將軍則妻子無類矣嬰然之乃起朝請如
故寶嬰傳寶嬰栗太子既廢太后心欲以梁王為嗣梁王與帝
俱侍坐於太后前太后謂帝曰吾聞殷道親親周道尊
尊其義一也安車大駕用梁王為寄帝跪席舉身曰諾

罷酒出帝召袁盎諸大臣通經術者曰太后言如何
謂也皆對曰太后意欲立梁王為帝太子帝問其狀袁
盎等曰殷道親親者立弟周道尊尊者立子殷道質質
者法天親其所親故立弟周道文文者法地尊者敬也
敬其本始故立長子周道太子死立嫡孫殷道太子死
立其弟帝曰於公何如皆對曰方今漢家法周周道不
得立弟當立子故春秋所以非宋宣公宋宣公死不立
子而與弟弟受國死復反之與兄之子弟之子爭之以

為我當代父後即刺殺兄子以故國亂禍不絕故春秋
曰君子大居正宋之禍宣公為之臣請見太后白之袁
盎等入見太后曰太后言欲立梁王梁王即終欲誰立
太后曰吾復立帝子袁盎等以宋宣公不立正生禍禍
亂後五世不絕小不忍害大義狀報太后太后乃解說
即使梁王歸就國史記褚先生補中尉衛綰賜告歸濟南閻氏
宗人三百餘家豪猾二千石莫能制帝拜鄧都濟南守
至則誅閻氏首惡餘皆股栗居歲餘郡中不拾遺旁十

餘郡守畏都如大府至是帝既廢栗太子誅栗卿之屬以衛綰為長者不忍乃賜告歸而以郅都為中尉捕治

栗氏

酷吏傳
衛綰傳

太史公曰導之以政齊之以刑民免而無恥導之以德齊之以禮有恥且格孔子之言老氏稱上德不德是以有德下德不失德是以無德法令滋章盜賊多有信哉是言也法令者治之具而非制治清濁之源也昔天下之網嘗密矣然姦偽萌起其

極也上下相遁至於不振當是之時吏治若救火
揚沸非武健嚴酷惡能勝其任而愉快乎言道德
者溺其職矣故曰聽訟吾猶人也必也使無訟乎

夫子之下士聞道大笑之言也

老子之言也

非虛言也漢興

破觚而為圜斲雕而為朴網漏吞舟之魚而吏治
蒸蒸不至於姦黎民艾安由是觀之在彼不在此
高后時酷吏獨有侯封刻轢宗室侵辱功臣呂氏
已敗遂禽侯封之家孝景時鼂錯以刻深頗用術

輔其資而七國之亂發怒於錯錯卒以被戮其後
有郅都甯成之屬

夏四月乙巳立皇后王氏丁巳立膠東王徹為皇太子

本名故中尉衛綰為太子太傅

綰傳

按原本作夏四月乙巳名故中尉衛綰

為太子太傅以史考之綰之為太傅並無月日蘭陵王

臧為少傅

中公傳

陳人鄭當時北地公孫賀為舍人

當時賀傳

濮陽汲黯司馬安為洗馬黯以嚴見憚

汲黯傳

賀昆邪孫

也賀傳六月乙巳丞相青免以太尉周亞夫為丞相時廉

音人趙禹為丞相史府中皆稱其廉平然亞夫弗任曰

極知禹無害然大深不可以居大府

百官表趙禹傳按原本無六月乙

已亞夫為丞相事趙禹為史句殊無緣起又誤屬夏四月之前今為補入並移於此

中元年夏四月乙巳赦天下賜民爵一級除禁錮

史記本紀

二年春二月令諸侯王薨列侯初封及之國典客奏謚

誅策

考異曰漢書本紀作大鴻臚按百官表景帝中六年更典客為大行令武帝太初元年更名大行令

為大鴻臚在景帝中二年未得以大鴻臚為稱也當是武帝世記事者之辭孟堅失於更革耳今改作典客

列侯薨及諸侯太傅初除之官大行奏謚誅策王薨遣

中大夫弔襚祠賵視喪事因立嗣子列侯薨遣太中大

夫弔祠視喪事

考異曰漢書本紀作光祿大夫按百官表武帝太初元年更名中大夫為光祿

大夫秩比二千石則景帝世未有所謂光祿大夫此亦追叙者之辭今改作中大夫因立嗣其薨

葬國得發民輓喪穿復土治墳無過三百人畢事

漢書本紀

臨江王榮坐侵廟墺地為宮上徵榮榮行祖於江陵北

門既上車軸折車廢江陵父老流涕竊言曰吾王不反

矣三月榮至請中尉府對簿中尉郅都簿

薄戶反

責訊王

王恐欲得刀筆為書謝上而都禁吏弗與魏其侯使人

間子臨江王臨江王既得為書謝上因自殺葬藍田燕
數萬銜土置冢上百姓憐之榮最長亡子國除竇太后
聞之怒以危法中都都免歸家帝乃使使即拜都為鴈
門太守便道之官顏曰不令至得以便宜從事匈奴素

闕陳謝也

聞郅都節舉邊為引兵去竟都死不敢近鴈門匈奴至
為偶人象都令騎馳射莫能中竹仲反其見憚如此匈奴

患之竇太后乃竟中都都以漢法

考異曰漢書酷吏傳無竇太后三字以為匈奴

中都以漢法以上下文勢考之中都者必出於竇太后
蓋是時帝方眷都使匈奴問之何必白之太后惟太后

中都以漢法故帝不能救耳史記帝曰都忠臣欲釋之實記存此三字為是今從史記

太后曰臨江王獨非忠臣乎於是斬都臨江王傳夏四

月乙巳侯封楚趙傳相死事者四人子為列侯荀建德

子橫遽侯王悍子棄之新市侯趙夷吾子周商陵侯張

尚子當居山陽侯侯表考異曰漢書本紀書於九月

悍子棄之為新市侯趙夷吾子周為商陵侯張尚子當

居為山陽侯並以四月乙巳封而史記侯者表亦同當

是漢書本紀九月始梁王與勝詭有謀鄒陽爭以為不

可故見讒枚先生枚嚴夫子嚴皆不敢諫及事敗勝詭

死梁王恐誅乃思鄒陽言深辭謝之齎以千金令求方
畧解罪於上者陽素知齊人王先生年八十餘多奇計
即往見語以其事王先生曰難哉人主有私怨深怒欲
施必行之誅誠難解也太后之尊骨肉之親猶不能
止況臣下乎昔秦始皇有伏怒於太后羣臣諫而死者
以十數得茅焦為廓大義始皇非能說其言也乃自強
從之耳茅焦亦廩脫死如毛茆耳故事所以難者也今
子欲安之乎陽曰鄒魯守經學齊楚多辯知韓魏時有

奇節吾將歷問之王先生曰子行矣還過我而西鄒陽
行月餘莫能為謀還過王先生曰臣將西矣為如何王
先生曰吾先日欲獻愚計以為衆不可蓋竊自薄陋不
敢道也若子行必往見王長君士無過此者矣鄒陽發
寤於心曰敬諾辭去不過梁徑至長安因客見王長君
長君者王美人兄也鄒陽留數日乘間而請曰臣非為
長君無使令於前故來侍也愚竊不自料願有謁也
長君跪曰幸甚陽曰今袁盎事即窮竟梁王恐誅長君

誠能精為上言之得毋竟梁事又有存亡繼絕之功德

布天下名施無窮願長君深自計之昔者魯公子慶父

使僕人殺子般

讀與班同

獄有所歸季友不探其情而誅焉

慶父親殺閔公季子緩追免賊春秋以為親親之道也

魯哀姜薨于夷孔子曰齊桓公法而不譎以為過也以

是說天子徼幸梁事不奏長君曰諾乘間入而言之帝

怒稍解於是遣田叔呂季主往治之至霸昌廐田叔取

火悉燒梁之獄辭空手來見帝帝曰梁有之乎田叔對

曰死罪有之今梁王不伏誅是漢法不行也如其伏誅
太后食不甘味卧不安席此憂在陛下也上大然之於
是梁王伏斧質於闕下謝罪然後太后與帝大喜相與
泣復如故於是上賢田叔以為魯相初至官民以王取
其財物自言者百餘人叔取其渠率二十人笞怒之曰
王非汝主邪何敢自言主魯王聞之大慙發中府錢使
相償之相曰王自使人償之不爾是王為惡而相為善
也魯王好獵相嘗從苑中王輒休相就館相嘗暴坐苑

外終不休曰吾王暴露獨何為舍王以故不大出游數

年以官卒

梁王世家鄒陽傳田叔傳

三年匈奴王七人來降

考異曰周亞夫傳作五人功臣表作七人今從表

上欲

侯之以勸後丞相周亞夫曰彼背其主降陛下陛下侯

之則何以責人臣之不守節者乎上曰丞相議不可用

亞夫傳

十一月庚子先封于軍為安陵侯十二月丁丑悉

封徐盧等六人為列侯

侯表

班固曰書稱蠻夷帥服詩云徐方既徠春秋列潞

子之爵許其慕諸夏也漢興至孝文時乃有弓高
襄城之封雖自外徠本功臣後孝景欲侯降者丞
相周亞夫守約而爭帝黜其議初開封賞之科

侯表序

春三月丁巳立子乘為清河王乘王夫人子

本紀外戚世家以

轅固為清河王太傅初固以治詩為博士竇太后召固
問老子書固曰此家人言耳太后怒曰安得司空城旦
書乎乃使固入圈擊毚上知太后怒而固直言無辜乃
假固利兵下圈刺毚毚應手而倒太后默然亡以復辜

後上以固廉直拜為王傅諸齊以詩顯皆固之弟子也

本齊人胡毋生以治春秋為博士與廣川董仲舒同業

考異曰胡毋生及仲舒在帝時為博士不得其歲今載於轅固為清河王傅之後 仲舒亦為博

士下帷講誦弟子傳以久次相授業或莫見其面蓋三

年不窺園其精如此學士皆師尊之胡毋生年老歸教

於齊齊之言春秋者宗事胡毋生菑川人公孫宏亦頗

受焉儒林傳董仲舒傳夏四月時上郡以西旱復修賣爵令賤

其價以招民及徙復作得輸粟縣官以除罪益造苑馬

以廣用而宮室列觀輿馬益增修矣

平準書

考異曰

書不知其時按帝時書早者再中三年書旱後二年書大旱然中六年匈奴已入上郡取苑馬則知非後二年

明矣今載於中三年夏旱之後

太子太傅衛綰為御史大夫

荀紀百官表

是歲廷尉上囚防年繼母殺年父年因殺繼母依律殺母

大逆論帝疑之詔問太子太子對曰夫繼母明其不及

母也緣父之愛故比之母耳今繼母無狀手殺其父則

下手之日母恩絕矣宜與殺人者同不宜以大逆論帝

從之年棄市太子時年十歲上益奇之

漢武故事

太子長

而好書學善史錄竇太后好黃帝老子言帝及太子諸王諸竇不得不讀老子尊其術太子獨能解其意每在太后前議論太后大悅每歎服以為勝帝而太子心弗好也每還太子宮常取儒書讀之又好名法之術畏太后不敢言也

武帝故事

四年秋赦天下徒作陽陵者死罪欲腐刑者許之

漢書紀

考異曰鍾繇言於魏明帝曰宜如孝景之令其常棄市欲斬右趾者許之其事見三國志而班馬皆不載今常

附見於死罪欲腐刑者許之之下

是歲壯武侯宋昌有罪奪爵一級為

關內侯

侯表

五年冬十月戊午日有食之

考異曰漢書本紀書於中四年之末荀紀亦然然十

月豈應在歲終其誤明矣呂氏大事記移於五年之初按長歷是年十月癸巳朔而戊午乃二十六日也今從

之春三月立子彘為常山王

漢書本紀史記年表

彘王夫人子帝

子凡十三人為王

五宗世家

博士韓嬰為常山太傅嬰推詩

人之意而作內外傳數萬言其語頗與齊魯間殊然歸

一也燕趙間言詩者由韓生

韓嬰傳

句奴東胡王盧它之

降夏四月丁巳封為亞谷侯它之故燕王綰子也

侯五表

月甲戌封皇后兄王信為蓋侯

侯表

秋八月令諸侯王不

得復治國天子為置吏改丞相曰相銀印省廷尉少府

宗正博士官大夫謁者郎諸官長丞皆損其員

百官表

六年三月雨雪

漢書本紀作雨雪考五行志及荀紀

考異曰漢書作雨雪史記亦作雨雪當

是史記紀誤一字今從漢書紀志及荀紀

六月匈奴入鴈門至武泉邑入上

郡考異曰漢書作六月史記作八月考荀紀亦取苑馬

作六月當是史記紀誤一字今從漢書荀紀

漢書本紀

漢儀注太僕牧師諸苑三十六所分布北邊西邊以郎為苑監官奴婢三萬人養馬三十萬疋

時李廣為上郡太守上使中貴人從廣勒習兵擊匈奴

中貴人將數十騎從見匈奴三人與戰射傷中貴人殺

其騎且盡中貴人走廣廣曰是必射鴈者也廣乃從百

騎往馳三人三人亡馬步行行數十里廣令其騎張兩

翼而廣身自射彼三人者殺其二人生得一人果匈奴

射鴈者也廣傳秋七月辛亥日有食之本紀是歲以濟南都

尉甯成為中尉是時周陽由亦為郡守甯成陽由皆以

嚴尅為治荀氏漢紀按原本不書甯成為中尉

事上下文意不相屬今從百官表補入

後元年秋七月乙巳先晦一日日有食之史記紀荀紀

考異曰漢

書本紀作乙巳晦史記無晦字按長歷乙巳蓋七月二十九日也顯項歷以丙午為八月朔則漢紀乙巳晦未為非是及考百官表載七月丙午丞相舍免是月既有丙午不應以乙巳為晦又五行志及荀悅漢紀云七月乙巳先晦一日日有食之則丙午晦丞相挑侯劉舍午為晦日明矣今從荀紀史記

免百官表竇太后數言魏其侯竇嬰帝曰太后宜以臣有

愛相魏其者魏其沾沾自喜耳多易弋豉反難以為相持

重遂不用竇嬰傳八月御史大夫建陵侯衛綰為丞相百官

表考異曰史記大事記漢書百官表荀氏漢紀並作

八月壬辰按長歷是月有丙辰戊辰無壬辰不敢意改今除去之綰為相朝奏事如職所奏然自初官以至相終無

可言上以為敦厚可相少主尊寵之賞賜甚多

衛綰傳

以

衛尉直不疑為御史大夫天子修吳楚時功封不疑為

塞侯

不疑傳

二年武原侯衛不害坐墓過律免

年表

石奮以上大夫祿

歸老子家

考異曰傳以為孝景季年今載於後二年

以歲時為朝臣過宮門

闕必下車趨見路馬必軾馬子孫為小吏來歸謁奮必

朝服見之不名子孫有過失不誚讓為便坐對案不食

然後諸子相責因長老肉袒固謝罪改之乃許子孫勝

冠者在側雖燕必冠申申如也僮僕訢訢

古欣字

如也唯

謹上時賜食於家必稽首俯伏而食如在上前其執喪

哀戚甚子孫遵教亦如之萬石君家以孝謹聞乎郡國

雖齊魯諸儒質行皆自以為不及也

奮田蚡益貴幸為

中大夫

考異曰傳云孝景晚節蚡益貴幸為中大夫今附於後二年

田蚡貪巧於文

辭辯有口學盤盂諸書王皇后賢之

田蚡傳及外戚傳

求天下

禮書

考異曰家語序以為景帝末年今附於後二年

京師士夫皆送官得呂氏

所傳家語與諸國事及七十二子辭廬江舒人文翁為

蜀郡太守

考異曰循吏傳云景帝末年為蜀郡守今附於後二年

仁愛好教化見

蜀地辟

讀音僻

陋有蠻夷風文翁欲誘進之乃選郡縣小

吏開敏有材者張叔等十餘人親自飭

與教同

厲遣詣京

師受業博士或學律令減省少府用度

顏曰少府郡掌財物之府以供

太守者也

買刀布蜀物齎計吏以遺博士數歲蜀生皆成就

還歸文翁以為右職用次察舉官有至郡守刺史者又

修起學官於城都市中招下縣子弟以為學官弟子為

除更繇

讀曰徭

高者以補郡縣吏次為孝弟力田常選舉

官僮子使在便坐受事每出行縣益從學官諸生明經飭行者與俱使傳教令出入閭閻縣邑吏民見而榮之數年爭欲為學官弟子富人至出錢以求之讀曰是

大化蜀地學於京師者比齊魯焉至武帝時乃令天下郡國皆立學校官自文翁為之始云循吏傳

三年春正月詔曰高年長老人所尊敬也鰥寡不屬之

欲

反逮者人所哀憐也其著今年八十以上八歲以下及

孕者未乳師朱儒當鞠繫者頌讀曰繫之刑法志甲子帝

崩於未央宮二月癸酉葬陽陵上謚曰孝景皇帝

本紀

班固贊曰孔子稱斯民三代之所直道而行也信哉周秦之敝罔密文峻而女軌不勝漢興掃除煩苛與民休息至於孝文加之以恭儉孝景遵業五十載之間至於移風易俗黎民醇厚周云成康漢言文景美矣

欽定四庫全書

西漢年紀卷十

宋王益之撰

武帝

孝武皇帝諱徹景帝中子也立為皇太子後三年正月

甲子景帝崩即日

兩字據史記田蚡傳

太子即皇帝位

本紀異曰史記

大事記書正月甲子孝景崩二月丙子太子立漢書景紀書甲子帝崩於武紀又書甲子太子即皇帝位史記漢書所載同異如此按史記田蚡傳云孝景崩即日太子立是景帝之崩武帝之立蓋同日也當是史記大事記誤今從

立太子妃陳氏為皇后

外戚傳

尊太后母臧兒

為平原君追尊王仲為共

讀曰恭

侯槐里起園邑二百家

長丞奉守

外戚傳

帝初稱制所鎮撫多蚡賓客計策蚡新

欲用事為相卑下賓客進名士家居者貴之欲以傾魏

其諸將相

史記蚡傳

建元元年冬十月前清河太傅轅固楚相馮唐故城陽

中尉鄧先公孫宏吳人嚴助

嚴忌子

皆以賢良徵宏少時

為獄吏有罪免家貧牧豕海上年四十餘乃學春秋雜

說時年六十以賢良徵仄目事轅固固曰公孫子務正

學以言無曲學以阿世

考異曰此公孫宏初應賢良事也通鑑載於宏再應賢良時誤

矣諸儒多嫉毀曰固老罷歸之時固已九十餘矣對策

者百餘人帝擢嚴助為中大夫公孫宏為博士鄧先起

家至九卿馮唐亦年九十餘不能為官廼以子遂為郎

見轅固馮唐罷錯

六月丞相衛綰御史大夫直不疑

公孫宏嚴助傳

不疑

事據本傳增入以景帝病時諸官因多坐不辜者而不任職免

之綰上議置丞相太尉籍福說田蚡曰魏其貴久矣天

下士素歸之今將軍初興未如即上以將軍為丞相必

讓魏其魏其為丞相將軍必為太尉太尉丞相尊等耳

有讓賢名蚡廼微言太后風上於是乃以魏其侯竇嬰

為丞相復置太尉官

五字據史記大事記

以武安侯田蚡為太尉

籍福賀嬰因弔曰君侯資性喜善疾惡方今善人譽君

侯故至丞相然惡人衆亦且毀君侯君侯能兼容則幸

久不能今以毀去矣嬰不聽

嬰蚡傳

秋七月故太子少傅

王臧上書得宿衛

申公傳

丞相嬰太尉蚡俱好儒術推轂

臧為郎中令代人趙綰為御史大夫

嬰蚡傳

綰亦嘗受詩

申公綰臧請立明堂城南以朝諸侯不能就其事乃言

師申公於是上使使束帛加璧安車以蒲裹輪駕馬迎

申公弟子二人乘軺傳從

申公傳 按魯申公本傳稱武帝初王臧上書宿衛累遷

一歲至郎中令無上書及遷除月日惟本紀有秋七月徵魯申公之文此本書王臧事當是因徵申公事附見然竟冠秋七月於王嬰蚡又欲令列侯就國除關以禮

臧上書之上殊誤

為服制以興太平舉謫諸竇宗室無行者除其屬籍諸

外家為列侯列侯多尚公主皆不欲就國以故毀日至

太皇竇太后太后好黃老言而嬰蚡綰臧等務隆推儒

術貶道家言是以太皇竇太后滋不說

嬰蚡傳

枚乘善辭

賦帝自為太子聞乘名及即位乘年老乃以安車蒲輪

徵乘道死詔問乘子無能為文者後乃得其孽子臯

枚乘

傳

是歲徙中尉甯成為內史

百官表

時茂陵張湯給事內

史為掾成以湯為無害言大府調為茂陵尉

張湯傳

外戚

多毀成之短下獄

兩字據表增入

抵罪髡鉗是時九卿死即死

少被刑而成刑極自以為不復收廼解脫詐刻傳出關

歸家

酷吏傳考異曰賈誼傳云上深納其言養臣下有節是後大臣有罪皆自殺不受刑至武帝時稍

復入獄自甯成始以史攷之正自不爾景帝時晁錯以御史大夫要斬東市大臣受刑蓋自錯始周亞夫以列侯下廷尉大臣入獄蓋自亞夫始孟堅謂始於甯成其誤甚矣今刪去不取

時吏治尚循謹

然周陽由居二千石中最為暴酷驕恣所愛者撓法活

之所憎者曲法滅之所居郡必夷其豪自甯成周陽由

之後事益多民巧法大抵吏治類多成由等矣

酷吏傳

初

帝以為淮陽天下郊勁兵處徙代相灌夫為淮陽太守

是歲入為太僕

本傳百官表

先是梁內史韓安國坐法失官

家居至是太尉田蚡親貴用事安國以五百金遺蚡蚡

言安國太后上素聞安國賢即召以為北地都尉

韓安國傳

二年冬十月淮南王安來朝獻所作內書二十一篇上

愛秘之使為離騷傳旦受詔日食時上又獻頌德及長

安都國頌每宴見談說得失及方技賦頌昏暮然後罷

時帝方好藝文以安屬為諸父辯博善為文辭甚尊重

之每為報書及賜常召司馬相如等視草乃遣

漢書本傳

安

為人好讀書鼓琴不喜弋獵狗馬馳騁亦欲以行陰德

拊循百姓流譽天下時時怨望厲王死時欲畔逆未有

因也安素善田蚡至是入朝蚡乃逆王霸上與王語曰

方今上無太子大王親高皇帝孫行仁義天下莫不聞

即宮車一日晏駕非大王尚誰立者

考異曰史記淮南王傳載於建元二

年漢書五行志云建元六年六月有星孛于北方劉向以為明年淮南王安入朝與太尉武安侯田蚡有邪謀如向所云則是元光元年事也按史記曰淮南王入朝素善武安侯武安侯時為太尉而五行志亦曰太尉武安侯田蚡按百官表蚡以建元元年為太尉二年免至建元六年則蚡為丞相矣不應尚稱太尉當是五行志誤今從淮南王大喜厚遺田蚡金錢財物陰結賓客拊

循百姓為畔逆事

史記淮南王安傳

石慶嘗為太僕御出

考異曰司

馬公以為百官表不載慶為太僕恐是攝職按上問車百官表當時除拜脫落不書者極多不獨慶也

中幾馬慶以策數馬畢舉手對曰六馬慶於諸子中最

為簡易矣然猶如此

萬石君傳

三月乙未以太常柏至侯許

昌為丞相武強侯莊青翟為御史大夫

百官表 考異 曰百官表許昌

書於二年莊青翟書於四年而御史大夫虛位二歲及攷田蚡傳云二年罷逐趙綰王臧而免丞相嬰太尉蚡以柏至侯許昌為丞相武強侯莊青翟為御史大夫以此觀之趙綰之逐青翟之拜同在二年今從列傳案紀傳丞相寶嬰御史大夫趙綰皆以忤太皇太后下獄免以許昌莊青翟代之此本書昌青翟之拜而此上不書嬰綰之罷

疑有脫文

夏四月初置茂陵邑徙郡國豪傑於茂陵

荀紀

三年冬十月代王登長沙王發中山王勝濟川王明來
朝時大臣懲吳楚七國行事議者多寃鼂錯之策皆以
諸侯連城數十秦強欲稍侵削數奏暴其過惡諸侯王
自以骨肉至親先帝所以廣封連城犬牙相錯者為盤
石宗也今或無罪為臣下所侵辱有司吹毛求疵笞服
其臣使證其君多自以侵寃及朝天子置酒中山王勝
聞樂聲而泣上問其故勝對曰臣聞悲者不可為繁歎

思者不可為歎息故高漸離擊筑易水之上荆軻為之

低而不食雍門子壹微吟孟嘗君為之於音邑反一合今

臣心結日久每聞幼眇之聲不知涕泣之橫集也夫衆

煦許句反又漂匹遙反山聚蟲古蛟字成雷古雷字朋黨執虎

十夫女教反橈反椎是以文王拘於羑里孔子阨於陳蔡此

乃烝庶之成風增積之生害也臣身遠與寡莫為之先

衆口鑠金積毀銷骨叢輕折軸羽翮飛肉紛驚逢羅潛

然出涕臣聞白日曬山鼓反又光幽隱皆照明月曜夜

力支反

蟲蟲

音育

宵見然雲蒸列布杳冥晝昏塵埃拂

音鋪

覆昧不

見泰山何則物有蔽之也今臣雍

讀曰雍

闕

烏曷反

不得聞

讒言之徒蠶生道遼路遠曾莫為臣聞臣竊自悲也臣

聞社鶩

音奚

不灌屋鼠不熏何則所託者然也臣雖薄也

得蒙肺附位雖卑也得為東藩屬又稱兄今羣臣非有

葭莩之親鴻毛之重羣居黨議朋友相為使夫宗室擯

卻

邱畧反

骨肉冰釋斯伯奇所以流離比干所以橫分也

詩云我心憂傷起馬如擣假寐永歎唯憂用老心之憂

矣疾如疾首臣之謂也具以吏所侵聞於是上乃加親

親之恩焉

中山王傳

三月有星孛于注張歷太微干紫宮至

于天漢夏四月有星孛于天紀至織女

天文志

上徵天下

文學材智之士嚴助最先進後又得吳人朱買臣趙人

吾邱壽王蜀人司馬相如主父偃嚴安徐樂東方朔枚

臯膠倉終軍嚴葱奇等

考異曰通鑑載於嚴助救東甌之後今從助傳序於其前

並

在左右其尤親幸者東方朔枚臯嚴助吾邱壽王司馬

相如相如常稱疾避事唯助與壽王見任用

東方朔嚴助傳

越發兵圍東甌東甌使人告急天子時天子年未二十

以問田蚡

考異曰史記東越傳漢書嚴助傳皆云建元三年閩越圍東甌天子問太尉田蚡按是時

蚡不為太尉云太尉誤也下云太尉不足與計蓋追呼其官耳

蚡對曰不足以煩中國

往救也嚴助曰今小國以窮困來告急天子不振尚安

所愬上遂發兵浮海救東甌東甌王望率其衆四萬餘

人來降處廬江郡封為廣武侯

嚴助閩粵傳史記大事記

是歲以北

地都尉韓安國為太農令

百官表

太僕灌夫與長樂衛尉

竇甫飲輕重不得夫醉搏甫甫竇太后昆弟上恐太后

誅夫徙夫為燕相

夫傳

北平侯張類坐臨諸侯喪後至國

除侯上始為微行

考異曰東方朔傳以為建元三年今附年末

常用飲酎已

八九月中與侍中常侍武騎及侍詔隴西北地良家子

能騎射者期諸殿門故有期門之號自此始微行以夜

漏下十刻乃出常稱平陽侯旦明入山下馳射鹿豕狐

兔馳驚禾稼稻杭之地民皆號呼罵詈相聚會自言鄆

杜令令往欲謁平陽侯諸騎欲擊鞭之令大怒使吏呵

止獵者數騎見留乃示以乘輿物久之廼得去時夜出

夕還後齋五日糧會朝長信宮

顏曰五日一朝長信宮故齋五日糧長信太后

也官是後南山下乃知微行數出也然尚迫於太后未敢

遠出丞相御史知指乃使右輔都尉徼工鈞反循長楊以

東右內史發小民共

讀曰供

待會所時常侍郎東方朔進

諫曰臣聞謙遜靜慤

口角反

天表之應應之以福驕溢靡

麗天表之應應之以異今陛下累郎臺恐其不高也弋

獵之處恐其不廣也如天不為變則三輔之地盡可以

為苑何必蓋屋鄠杜乎奢侈越制天為之變上林雖小

臣尚以為大也糞土愚臣忘生觸死逆盛意犯隆指罪當萬死不勝大願願陳泰階六符以觀天變不可不省是日因奏泰階之事上乃拜朔為太中大夫給事中

東方

朔
傳

四年冬十月地動

天文志

江都王非來朝從上獵上林中

天子車駕趣通未行先使韓嫣乘副車從數十百騎馳視獸江都王望見以為天子辟從者伏謁道旁嫣驅不見既過江都王怒為皇太后泣請得歸國入宿衛比韓

媽太后以此銜媽始帝為膠東王媽與上學書相愛及
上為太子愈益親媽媽善騎射聰慧上即位欲事伐胡
而媽先習兵以故益尊貴官至上大夫賞賜擬鄧通與
上共臥起後媽侍出入永巷不禁以姦聞皇太后太后
怒使使賜媽死上為謝終不得媽遂死

佞幸傳

是歲南粵

王趙佗死

南粵傳注佗以建元四年卒皇甫謐曰時漢興七十年佗蓋百歲矣

以江都相

鄭當時為右內史

百官表

五年春正月己巳朔日有食之

荀紀

罷傳記博士

趙岐孟序

夏四月平原君薨

本紀

從田氏葬長林置園邑二百家長

丞奉守

外戚傳

上即位數歲漢興七十餘年之間國家無

事非遇水旱之災民則人給家足都鄙廩庾皆滿而府庫餘貨財京師之錢累巨萬貫朽而不可校太倉之粟陳陳相因充溢露積於外至腐敗不可食衆庶街巷有馬阡陌之間成羣而乘字牝者儉而不得聚會守閭閻者食梁肉為吏者長子孫居官者以為姓號故人人自愛而重犯法先行義而後絀辱焉當此之時網疎而民

富役財驕溢或至兼并豪黨之徒以武斷於鄉曲宗室

有土公卿大夫以下爭於奢侈室廬輿服僭於上無限

度物盛而衰固其變也

平準書食貨志 考異曰此段見平準書而通鑑載於景帝後

三年按平準書云上即位數歲漢興七十餘年正謂武帝初年非景帝也自漢興之初至後七年才六十六年謂之七十餘年於義未安蓋武帝承文景涵養之餘又竇太后在上帝猶知有所畏未敢肆行民享安靜之福故當時富盛如此至建元四年漢興已七十載又二年而竇太后崩是後紛紛多事漢家至此遂一變矣太史公謂物盛而衰固其變也蓋深有感焉今附於竇太后未崩之前一年

六年春二月乙未遼東高廟災

本紀 考異曰五行志作建元六年六月丁酉

按志既言六月丁酉遼東高廟災下又云四月壬子高
園便殿火同是一歲不應六月在四月之先志之誤必
矣漢書本紀作二月乙未荀紀作三月乙未以長歷考
之三月壬戌朔無乙未當是荀紀誤今從漢書本紀

五月丁亥太皇太后崩

本紀

考異曰此語見漢書本紀而外戚傳乃云竇太后後景

帝六歲凡立五十一年元光六年崩與紀不同以史考
之竇太后之立才四十五年今云五十一年固誤又曰
後景帝六歲則為建元六年無疑若至元光六年則後
景帝十有二年矣不應云六歲也按史記外戚世家作
建元六年而班氏改為元光誤矣
今從漢書本紀史記外戚世家

合葬霸陵遺詔盡以

東宮金錢財物賜長公主嫖

外戚傳

六月癸巳丞相昌御

史大夫青翟坐竇太后喪事不辦免上以武安侯田蚡

為丞相

百官表田蚡傳

蚡既相絀黃老刑名百家之言延文學

儒者數百人

儒林傳

又以為諸侯王多長上初即位富於

春秋蚡以肺附為京師相非痛折節以禮詘之天下不

肅嘗召客飲坐其兄蓋侯北鄉自坐東鄉以為漢相尊

不可以兄故私撓蚡由此滋驕治宅甲諸第田園極膏

腴而市買郡縣器物相屬於道前堂羅鐘鼓立曲旃後

房婦女以百數諸侯奉金玉狗馬玩好不可勝數

田蚡傳

蚡徵茂陵尉張湯為丞相史薦補侍御史

湯傳

有星孛于

北方

五行志

秋八月有星孛于東方長竟天

本紀

三十日去

五行志

是謂蚩尤旗類彗而後曲象旗

天文志荀紀

淮南王安

心怪之或說王曰先吳軍時彗星出長數尺然尚流血

千里今彗星竟天天下兵當大起王心以為上無太子

天下有變諸侯並爭愈益治攻戰具積金錢賂遺郡國

遊士妄作妖言阿諛王王喜多賜予之王有女陵慧有

口王愛之多予金錢為中訶

丑政反

長安約結上左右

淮南

傳王閩粵王郢興兵擊南粵邊邑

本紀南粵傳

考異曰史記大事記載閩越反

於正月今按漢書本紀通鑑載於南粵守天子約不敢

秋八月後疑大事記誤今從本紀

擅發兵而上書以聞

嚴助傳

曰兩粵俱為藩臣毋擅興兵

相攻擊今東粵擅興兵侵臣臣不敢興兵唯天子詔之

於是天子多南粵義守職約

南粵傳

遣大行王恢大司農

韓安國將兵誅閩越淮南王安上書諫曰陛下臨天下

布德施惠緩刑罰薄賦歛哀鰥寡恤孤獨養耆老振匱

乏盛德上隆和澤下洽近者親附遠者懷德天下攝然

今聞有司舉兵將以誅越臣竊為陛下重之越方外之

地鬻髮文身之民不可以冠帶之國法度理也

案原本脫今聞

有司以下至此文意不屬今節錄本傳增入

故古者封內甸服封外侯服侯

衛賓服蠻夷要服戎狄荒服遠近執異也越人名為藩

臣貢耐之奉不輸大內一卒之用不給上事自相攻擊

而陛下發兵救之是反以中國而勞蠻夷也

案原本脫越人名為

藩臣以下至此文勢不足今節錄本傳增入

臣聞軍旅之後必有凶年言民

各以其愁苦之氣薄陰陽之和感天地之精而災氣為

之生也今以兵入其地男子不得耕稼樹種婦人不得

紡績織絰

人禁反

丁壯從軍老弱轉餉

亦餼字

居者無食行

者無糧民苦兵事亡逃者必衆隨而誅之不可勝盡盜賊必起臣聞長老言秦之時嘗使尉屠睢擊越又使監祿鑿渠通道越人逃入深山林叢不可得攻留軍屯守曠日持久士卒勞倦越廼出擊之秦兵大破廼發適戍以備之當此之時內外騷動百姓靡敝行者不還往者莫返民不聊生羣為盜賊於是山東之難始興周易曰高宗伐鬼方三年而克之鬼方小蠻夷高宗殷之盛天

子以盛天子伐小蠻夷三年而後克言用兵之不可不重也臣聞天子之兵有征而無戰言莫敢校也陛下以四海為境九州為家八數為囿江漢為池生民之屬皆為臣妾人徒之衆足以奉千官之共讀曰供租稅之收足

以給乘輿之御玩心神明秉執聖道負黼依讀曰馮

凭玉几南面而聽斷號令天下四海之內莫不嚮讀曰響

應陛下垂德惠以覆露之使元元之民安生樂業則澤被萬世傳之子孫施之無窮天下之安猶泰山而四維

之也夷狄之地何足以為一日之間而煩汗馬之勞乎
詩云王猶允塞徐方既來言王道甚大而遠方懷之也
臣聞之農夫勞而君子養焉愚者言而智者擇焉臣安
幸得為陛下守藩以身為鄣蔽入臣之任也邊境有警
愛身之死而不畢其愚非忠臣也臣安竊恐將吏之以
十萬之師為一使之任也是時漢兵遂出未踰領閩粵
王郢發兵距險其弟餘善誅郢師得不勞因立餘善為
東粵王上嘉淮南之意美將卒之功乃令嚴助諭意風

讀曰

指於南越

嚴助傳

南粵王胡遣太子嬰齊入宿衛

南粵

傳

助還又諭淮南曰皇帝問淮南王使中大夫王上書

言事聞之朕奉先帝之休德夙興夜寐明不能燭重

直用

反

以不德是以比年凶菑

古災字

害衆夫以眇眇之身託

于王侯之上內有飢寒之民南夷相攘

人羊反

使邊騷然

不安朕甚懼焉今王深惟重慮明太平以弼朕失稱三

代至盛際天接地人迹所及咸盡賓服貌

武卓反

然甚慙

嘉王之意靡有所終使中大夫助諭朕意告王越事助

諭意曰今者大王以發屯臨越事上書陛下故遣臣助
告王其事王居遠事薄遽不與王同其計朝有關政遺
王之憂陛下甚恨之夫兵固凶器明主之所重出也然
自五帝三王禁暴止亂非兵未之聞也漢為天下宗操
殺生之柄以制海內之命危者望安亂者仰讀曰治今
閩越王狼戾不仁殺其骨肉離其親戚所為甚多不義
又數舉兵侵陵百越并兼鄰國以為暴彊陰計奇策入
燔尋陽樓船欲招會稽之地以踐句功侯踐之迹今者

邊又言閩王率兩國擊南越陛下為萬民安危久遠之計使人諭告之曰天下安寧各繼世撫民禁毋敢相并有司疑其以虎狼之心貪據百越之利惑於逆順不奉明詔則會稽豫章必有長患且天子誅而不伐焉有勞百姓苦士卒乎故遣兩將屯於境上震威武揚聲鄉

讀曰

響

屯曾未會天誘其衷閩王隕命輒遣使者罷屯毋後

農時南越王甚嘉被惠澤蒙休德願草心易行身從使者入謝有狗馬之病不能勝服故遣太子入侍病有瘳

願伏北闕望大廷以報盛德閩王以八月舉兵於治南

士卒罷

讀曰疲

倦三王之衆相與攻之因其弱弟餘善以

成其謀至今國空虛遣使者上符節請所立不敢自立
以待天子之明詔此一舉不挫一兵之鋒不用一卒之
死而閩王伏辜南越被澤威震暴主義存危國此則陛
下深計遠慮之所出也事效見前故使臣助來諭王意
於是王謝曰雖湯伐桀文王伐崇誠不過此臣安妄以
愚意狂言陛下不忍加誅使使者臨詔臣安以所不聞

誠不勝厚幸助由是與淮南王相結而還上大說嚴助傳

是歲大農令韓安國為御史大夫百官表考異曰田蚡傳云竇太后崩丞

相昌御史大夫青翟坐喪事不辦免上以田蚡為丞相

韓安國為御史大夫觀此則安國之拜蓋與田蚡同時

也及考漢書本紀閩越之反安國以大農令將兵往擊

不應已拜御史大夫尚以大農稱也荀紀通鑑皆載於

擊閩越事後今從之安國為人大畧知足以當世取舍而出於

忠厚貪者讀曰財利然所推舉皆廉士賢於已者於梁

舉壺遂臧固至它皆天下名士士亦以此稱慕之唯天

子以為國器韓安國傳東海太守汲黯為主爵都尉引大體

不拘文法為人性倨

居庶反

少禮面折不能容人之過合

已者善待之不合者弗能忍見士亦以此不附焉然好

游俠任氣節行修潔其諫犯主之顏色常慕傅伯袁蓋

之為人善灌夫鄭當時及宗正劉棄疾亦數以直諫不

得久居位是時太后弟田蚡為丞相中二千石拜謁蚡

弗為禮黥見蚡未嘗拜揖之

汲黯傳

太史令司馬談愍學

者不達其意而師諄乃論六家之要指

考異曰此事不得其時按司馬

遷傳談仕于建元元封之間愍學者不達其意而師諄乃論六家之要指談之仕始於建元而終於元封此論

必作於建元蓋是時竇太后已崩武帝相田蚡隆儒術而貶道家故其言如此今附於建元六年竇太后已崩之後曰易大傳曰天下一致而百慮同歸而殊塗夫陰陽儒墨名法道德此務為治者也直所從言之異路有省不省耳嘗竊觀陰陽之術大詳而衆忌諱使人拘而多畏然其叙四時之大順不可失也儒者博而寡要勞而少功是以其事難盡從然其序君臣父子之禮列夫婦長幼之別不可易也墨者儉而難遵是以其事不可徧循然其彊本節用不可廢也法家嚴而少恩然其正君

臣上下之分不可改也名家使人儉而善失真然其正
名實不可不察也道家使人精神專一動合無形澹足
萬物其為術也因陰陽之大順采儒墨之善撮名法之
要與時遷徙應物變化立俗施事無所不宜指約而易
操事小而功多儒者則不然以為人主天下之儀表也
君唱臣和主先臣隨如此則主勞而臣佚至於大道之
要去健羨黜聰明釋此而任術夫神大用則竭形大勞
則敝神形蚤衰欲與天地長久非所聞也夫陰陽四時

八位十二度二十四節各有教令曰順之者昌逆之者
亡未必然也故曰使人拘而多畏夫春生夏長秋收冬
藏此天道之大經也弗順則無以為天下紀綱故曰四
時之大順不可失也夫儒者以六藝為法六藝經傳以
千萬數累世不能通其學當年不能究其禮故曰博而
寡要勞而少功若夫列君臣父子之禮序夫婦長幼之
別雖百家弗能易也墨者亦上堯舜言其德行曰堂高
三尺土階三等茅茨不翦採椽不斷飯土簋飲土刑糲

梁之食藜藿之美夏日葛衣冬日鹿裘其送死桐棺三寸舉音不盡其哀教喪禮必以此為萬民率故天下共若此則尊卑無別也夫世異時移事業不必同故曰儉而難遵也要曰彊本節用則人給家足之道也此墨子之所長雖百家不能廢也法家不別親疎不殊貴賤壹斷於法則親親尊尊之恩絕矣可以行一時之計而不可長用也故曰嚴而少恩若尊主卑臣明分職不得相踰越雖百家不能改也名家苛察繳繞使人不得反其

意剗決於名時失人情故曰使人儉而善失真若夫控
名責實參伍不失此不可不察也道家無為又曰無不
為其實易行其辭難知其術以虛無為本以因循為用
無成勢無常形故能究萬物之情不為物先後故能為
萬物主有法無法因時為業有度無度因物興舍故曰
聖人不巧時變是守虛者道之常也因者君之綱也羣
臣並至使各自明也其實中其聲者謂之端實不中其
聲者謂之款款言不聽姦廼不生賢不肖自分白黑廼

形在所欲用耳何事不成迺合大道混混冥冥光耀天
下復反無名凡人所生者神也所托者形也神大用則
竭形大勞則敝形神離則死死者不可復生離者不可
復合故聖人重之由此觀之神者生之本形者生之具
不先定其神形而曰我有以治天下何由哉談嘗學天
官於唐都受易於楊何習道論於黃子司馬遷傳初王恢擊
東粵因兵威使番禺令唐蒙風讀曰諷曉南粵南粵食讀曰
似蒙蜀枸音矩醬蒙問所從來曰道西北牂柯江江廣數

里出番

普安反

禺

音隅

城下蒙歸至長安問蜀賈人獨蜀出

枸醬多持竊出市夜郎夜郎者臨牂柯江江廣百餘步

足以行船南粵以財物役屬夜郎西至桐師然亦不能

臣使也蒙廼上書說上曰南粵王黃屋左纛地東西萬

餘里名為外臣實一州主今以長沙豫章往水道多絕

難行竊聞夜郎有精兵可得十萬浮船牂柯出不意此

制粵一奇也誠以漢之彊巴蜀之饒通夜郎道為置吏

甚易上許之乃拜蒙以郎中將將千人食重萬餘人從

巴祚關入遂見夜郎侯多同厚賜諭以威德約為置吏
使其子為令夜郎旁小邑皆貪漢繒帛以為漢道險終
不能有也廼聽蒙約還報廼以為犍為郡

地理志犍為郡武帝建元

六年開
西南夷傳

欽定四庫全書

西漢年紀卷十一

宋 王益之 撰

武帝

元光元年冬十一月衛尉李廣為驍騎將軍屯雲中長

樂衛尉程不識為車騎將軍屯鴈門

考異曰漢書本紀作中尉程不識按

百官表張敞自建元元年為中尉凡九年至元光四年始遷御史大夫中間安得有不識為中尉事當是紀誤考李廣傳程不識為長樂衛尉非中尉也又灌夫傳云程李俱東西宮衛尉亦可見也今從二傳六月

罷先是廣為隴西大守左右言其名將也由是入為

紀本

未央衛尉不識故與廣俱以邊太守將屯及出擊胡而

廣行無部曲行陳就善水草頓舍人人自便不擊刁斗

自衛莫府省

所領反

文書然亦遠斥候未嘗遇害不識正

部曲行伍營陳擊刁斗吏治軍簿

步戶反

至明軍不得自

便不識曰李將軍極簡易然虜卒

讀曰狎

犯之無以禁而

其士卒亦佚

與逸同

樂為之死我軍雖煩擾虜亦不得犯

我是時漢邊郡李廣程不識為名將然匈奴畏廣士卒

多樂從而苦不識不識孝景時以數直諫為太中大夫

李廣傳

五月舉賢良文學上親策之制曰朕獲承至尊休
德傳之無窮而施之罔極任大而守重是以夙夜不皇
康寧永惟萬事之統猶懼有闕故廣延四方之豪雋郡
國諸侯公選賢良修絜博習之士欲聞大道之要至論
之極今子大夫褒然為舉首朕甚嘉之子大夫其精心
致思朕垂聽而問焉蓋聞五帝三王之道改制作樂而
天下洽和百王同之當虞氏之樂莫盛於韶於周莫盛
於勺聖王已沒鐘鼓箎絃之聲未衰而大道微缺陵夷

至虜桀紂之行王道大壞矣夫五百年之間守文之君
當塗之士欲則先王之法以戴翼其世者甚衆然猶不
能反日以仆滅至後王而後止豈其所持操或詩繆而
失其統與固天降命不可復反必推之於大衰而後息
與烏虜凡所為屑屑夙興夜寐務法上古者又將無補
與三代受命其符安在災異之變何緣而起性命之情
或天或壽或仁或鄙習聞其號未燭厥理伊欲風流而
令行刑輕而姦改百姓和樂政事宣昭何修何飾而膏

露降百穀登德潤四海澤臻草木三光全寒暑平受天之祐享鬼神之靈惠澤洋溢施庠方外延及群生子大夫明先聖之業習俗化之變終始之序講聞高誼之日久矣其明以諭朕科別其條勿猥勿并取之於術慎其所出廼其不正不直不忠不極枉於執事書之不泄興於朕躬毋悼後害子大夫其盡心靡有所隱朕將親覽焉董仲舒對曰陛下發德音下明詔求天命與情性皆非愚臣之所能及也臣謹按春秋之中視前世已行之

事以觀天人相與之際甚可畏也國家將有失道之敗而天廼先出災害以譴告之不知自省又出怪異以警懼之尚不知變而傷敗廼至以此見天心之仁愛人君而欲止其亂也自非大無道之世天盡欲扶持而全安之事在彊勉而已矣彊勉學問則聞見博而知益明彊勉行道則德日起而大有功此皆可使還至而立有效者也詩曰夙夜匪解書云茂哉茂哉皆彊勉之謂也道者所繇適於治之路也仁義禮樂皆其具也故聖王已

沒而子孫長久安寧數百歲此皆禮樂教化之功也王者未作樂之時廼用先王之樂宜於世者而以深入教化於民教化之情不得雅頌之樂不成故王者功成作樂樂其德也樂者所以變民風化民俗也其變民也易其化人也著故聲發於和而本於情接於肌膚藏於骨髓故王道雖微缺而箎絃之聲未衰也夫虞氏之不為政久矣然而樂頌遺風猶有存者是以孔子在齊而聞韶也

按仲舒本傳此下尚有夫人君莫不欲安存而臣惡危亡一段凡百餘字此本刪去文義未足

聞天之所大奉使之王者必有非人力所能致而自至者此受命之符也天下之人同心歸之若歸父母故天瑞應誠而至書曰白魚入于王舟有火復于王屋流為烏此蓋受命之符也周公曰復哉復哉孔子曰德不孤必有鄰皆積善聚德之效也及至後世淫佚衰微不能統理群生諸侯背畔殘賊良民以爭壤土廢德教而任刑罰刑罰不中則生邪氣邪氣積於下怨惡畜於上上下不和則陰陽繆盪而妖孽生矣此灾異所緣而起也

臣聞命者天之令也性者生之質也情者人之欲也或天或壽或仁或鄙陶冶而成之不能粹美有治亂之所生故不齊也孔子曰君子之德風也小人之德草也草上之風必偃故堯舜行德則民仁壽桀紂行暴則民鄙天夫上之化下下之從上猶泥之在鈞唯甄者之所為猶金之在鎔唯冶者之所鑄綏之斯來動之斯和此之謂也臣謹按春秋之文求王道之端得之於正次王王次春春者天之所為也正者王之所為也其意曰上

承天之所為而下以正其所為正王道之端云爾然則王者欲有所為宜求其端於天天道之大者在陰陽陽為德陰為刑刑主殺而德主生是故陽常居大夏而以生育養長為事陰常居大冬而積於空虛不用之處以此見天之任德不任刑也天使陽出布施於上而主歲功使陰入伏於下而時出佐陽陽不得陰之助亦不能獨成歲終陽以成歲為名此天意也王者承天意以從事故任德教而不任刑刑者不可任以治世猶陰之不

可任以成歲也為政而任刑不順於天故先王莫之肯
為也今廢先王德教之官而獨任執法之吏治民毋乃
任刑之意與孔子曰不教而誅謂之虐虐政用於下而
欲德教之被四海故難成也臣謹按春秋謂一元之意
一者萬物之所從始也元者辭之所謂大也謂一為元
者視大始而欲正本也春秋深探其本而反自貴者始
按仲舒本傳此下有故為人君者正心以正朝廷正朝
廷以正百官一段凡二百餘字此本刪去文義未足
夫萬民之從利如水之走下不以教化隄防之不能止

也是故教化立而姦邪皆止者其隄防完也教化廢而姦邪並出刑罰不能勝者其隄防壞也古之王者明於此是故南面而治天下莫不以教化為大務至周之末世大為無道以失天下秦繼其後獨不能改又益甚之重禁文學不得挾書棄捐禮誼而惡聞之其心欲盡滅先王之道而顓為自恣苟簡之治故立為天子十四歲而國破亡矣自古以來未嘗有以亂濟亂大敗天下之民如秦者也孔子曰腐朽之木不可雕也糞土之牆不

可朽也今漢繼秦之後如朽木冀牆矣雖欲善治之亡
可奈何法出而姦生令下而詐起如以湯止沸抱薪救
火愈甚亡益也竊譬之琴瑟不調甚者必解而更張之
乃可鼓也為政而不行甚者必變而更化之乃可理也
當更張而不更張雖有良工不能善調也當更化而不
更化雖有大賢不能善治也古人有言曰臨淵羨魚不
如退而結網今臨政而願治七十餘歲矣不如退而更
化更化則可善治善治則災害日去福祿日來詩云宜

民宜人受祿于天為政而宜於民者固當受祿于天夫
仁誼禮知信五常之道王者所當修飭也五者修飭故
受天之祐而享鬼神之靈德施於方外延及羣生也天
子覽其對而異焉廼復冊之曰

按原本作冊董仲舒据
制辭稱百餘人則非獨

冊仲舒也今依本傳作冊
之曰而刪去董仲舒三字

制曰蓋聞虞舜之時游於巖

廊之上垂拱無為而天下太平周文王至於日昃不暇
食而宇內亦治夫帝王之道豈不同條共貫與何逸勞
之殊也蓋儉者不造元黃旌旗之飾及至周室設兩觀

乘大路朱干玉戚八佾陳於庭而頌聲興夫帝王之道
豈異指哉或曰良玉不琢又云非文亡以輔德二端異
焉殷人執五刑以督姦傷肌膚以懲惡成康不式四十
餘年天下不犯囹圄空虛秦國用之死者甚衆刑者相
望耗矣哀哉烏虜朕夙寤晨興惟前帝王之憲永思所
以奉至尊章洪業皆在力本任賢今朕親耕藉田以為
農先勸孝弟崇有德使者冠蓋相望問勤勞恤孤獨盡
思極神功烈休德未始云獲也今陰陽錯繆氛氣充塞

群生寡遂黎民未濟廉耻貿亂賢不肖渾轂未得其真
故詳延特起之士意庶幾乎今子大夫待詔百有餘人
或道世務而未濟稽諸上古之不同考之於今而難行
毋迺牽於文繫而不得騁與將所繇異術所聞殊方與
各悉對著於篇毋諱有司明其指畧切磋商究之以稱朕
意仲舒對曰臣聞堯受命以天下為憂而未以位為樂
也故誅逐亂臣務求賢聖是以得舜禹稷禹咎繇衆聖
輔德賢能佐職教化大行天下和洽萬民皆安仁樂誼

各得其宜動作應禮從容中道故孔子曰如有王者必
世而後仁此之謂也堯在位七十載廼遜于位以禪虞
舜堯崩天下不歸堯子丹朱而歸舜舜知不可辟乃即
天子之位以禹為相因堯之輔佐繼其統業是以垂拱
無為而天下治孔子曰韶盡美矣又盡善也此之謂也
至於殷紂逆天暴物殺戮賢知殘賊百姓伯夷太公皆
當世賢者隱處而不為臣守職之人皆奔走逃亡入于
河海天下耗亂萬民不安故天下去殷而從周文王順

天理物師用賢聖是以閔天太顛散宜生等亦聚於朝
廷愛施兆民天下歸之故太公起海濱而即三公也當
此之時紂尚在上尊卑昏亂百姓散亡故文王悼痛而
欲安之是以日昃而不暇食也孔子作春秋先正王而
繫萬事見素王之文焉繇此觀之帝王之條貫同然而
勞逸異者所遇之時異也孔子曰武盡美矣未盡善也
此之謂也臣聞制度文采元黃之飾所以明尊卑異貴
賤而勸有德也故春秋受命所先制者改正朔易服色

所以應天也然則宮室旌旗之制有法而然者也故孔子曰奢則不遜儉則固儉非聖人之中制也臣聞良玉不琢資質潤美不待刻琢此亡異於達巷黨人不學而自知也然則常玉不琢不成文章君子不學不成其德臣聞聖王之治天下也少則習之學長則材諸位爵祿以養其德刑罰以威其惡故民曉於禮誼而耻犯其上武王行大誼平殘賊周公作禮樂以文之至於成康之隆囹圄空虛四十餘年此亦教化之漸而仁義之流非

獨傷肌膚之效也至秦則不然誅名而不察實為善者

不必免而犯惡者未必刑也是以刑者甚衆死者相望

而姦不息俗化使然也故孔子曰導之以政齊之以刑

民免而無耻此之謂也

按仲舒本傳此下有今陛下并有天下一段凡百餘字此本刪

去文義未足

陛下親耕藉田以為農先風寤晨興憂勞萬民

思惟往古而務以求賢此亦堯舜之用心也然而未云

獲者士素不厲也夫不素養士而欲求賢譬猶不琢玉

而求文采也

按仲舒本傳此下有故養士之大者莫大乎太學一段凡四百餘字此本刪去文義

未足

陛下加惠寬臣之罪令勿牽制於文使得切磋究之
臣敢不盡愚於是天子復冊之制曰蓋聞善言天者必
有徵於人善言古者必有驗於今故朕垂問庠天人之
應上嘉唐虞下悼桀紂寢微寢滅寢明寢昌之道虛心
以改今子大夫明於陰陽所以造化習於先聖之道業
然而文采未極豈惑虐當世之務哉條貫靡竟統紀未
終意朕之不明與聽若眩與夫三王之教所祖不同而
皆有失或謂久而不易者道也意豈異哉今子大夫既

已著大道之極陳治亂之端矣其悉之究之孰之復之
詩不云乎嗟爾君子毋常安息神之聽之介爾景福朕
將親覽焉子大夫其茂明之仲舒復對曰臣聞論語曰
有始有卒者其唯聖人乎今陛下幸加惠留聽於承學
之臣復下明冊以切其意而究盡聖德非愚臣之所能
具也前所上對條貫靡竟統紀不終辭不別白指不分
明此臣淺陋之罪也冊曰善言天者必有徵於人善言
古者必有驗於今臣聞天者羣物之祖也故徧覆包函

而無所殊建日月風雨以和之經陰陽寒暑以成之故
聖人法天而立道亦溥愛而無私布德施仁以厚之設
誼立禮以導之春者天之所以生也仁者君之所以愛
也夏者天之所以長也德者君之所以養也霜者天之
所以殺也刑者君之所以罰也繇此言之天人之徵古
今之道也孔子作春秋上揆之天道下質諸人情參之
於古考之於今故春秋之所譏災害之所加也春秋之
所惡怪異之所施也書邦家之過兼災異之變以此見

人之所為其美惡之極乃與天地流通而往來相應此亦言天之一端也古者修教訓之官務以德善化民民已大化之後天下常亡一人之獄矣今世廢而不修亡以化民民以故棄行誼而死財利是以犯法而罪多一歲之獄以萬千數以此見古之不可不用也故春秋變古則譏之天令之謂命命非聖人不行質樸之謂性性非教化不成人欲之謂情情非制度不節是故王者上謹於承天意以順命也下務明教化民以成性也正法

度之宜別上下之序以防欲也修此三者而大本舉矣
人受命於天固超然異於羣生入有父子兄弟之親出
有君臣上下之誼會聚相遇則有耆老長幼之施粲然
有文以相接驩然有恩以相愛此人之所以貴也生五
穀以食之桑麻以衣之六畜以養之服牛乘馬圜貉檻
虎是其得天之靈貴於物也故孔子曰天地之性人為
貴明於天性知自貴於物知自貴於物然後知仁誼知
仁誼然後重禮節重禮節然後安處善安處善然後樂

循理樂循理然後謂之君子故孔子曰不知命亡以為
君子此之謂也冊曰上嘉唐虞下悼桀紂寢微寢滅寢
明寢昌之道虛心以改臣聞衆少成多積小致鉅故聖
人莫不以晦致明以微致顯是以堯發於諸侯舜興
深山非一日而顯也蓋有漸以致之矣言出於已不可
塞也行發於身不可掩也言行治之大者君子之所以
動天地也故盡小者大慎微者著詩云惟此文王小心
翼翼故堯兢兢日行其道而舜業業日致其孝善積而

名顯德彰而身尊此其寢明寢昌之道也夫善惡之相
從如影響之應形聲也故桀紂暴謾讒賊並進賢知隱
伏惡日顯國日亂晏然自以如日在天終陵夷而大壞
夫暴逆不仁者非一日而亡也亦以漸至故桀紂雖亡
道然猶享國十餘年此其寢微寢滅之道也冊曰三王
之教所祖不同而皆有失或謂久而不易者道也意豈
異哉臣聞夫樂而不亂復而不厭者謂之道道者萬世
無弊弊者道之失也先王之道必有偏而不舉之處故

政有眊而不行舉其偏者以補其弊而已矣三王之道所祖不同非其相反將以揅溢扶衰所遭之變然也故孔子曰無為而治者其舜庠改正朔易服色以順天命而已其餘盡循堯道何更為哉故王者有改制之名亡變道之實然夏上忠殷上敬周上文者所繼之揅當用此也孔子曰殷因於夏禮所損益可知也周因於殷禮所損益可知也其或繼周者雖百世可知也此言百王之用以此三者矣夏因於虞而獨不言所損益者其道

如一而所上同也道之大原出於天天不變道亦不變
是以禹繼舜舜繼堯三聖相受而守一道亡救弊之政
也故不言其所損益也

按原本無先王之道以下至此當是脫落今補入

繇是

觀之繼治世者其道同繼亂世者其道變今漢繼大亂
之後若宜少損周之文致用夏之忠者陛下有明德嘉
道愍世俗之靡薄悼王道之不昭故舉賢良方正之士
論誼考問將欲興仁誼之休德明帝王之法制建太平
之道也臣愚不肖述所聞誦所學道師之言塵能勿失

耳若廼論政事之得失察天下之息耗此大臣輔佐之職三公九卿之任非臣仲舒所能及也然而臣竊有怪者夫古之天下亦今之天下今之天下亦古之天下共是天下古亦大治以古準今壹何不相逮之遠也安所繆盭而陵夷若是意者有所失於古之道與有所詭於天之理與試迹之古返之於天倘可得見乎夫天亦有所分子予之齒者去其角傅之翼者兩其足是所受大者不得復取小也古之所予祿者不食於力不動於末

是亦受大者不得取小與天同意者也夫已受大又取
小天不能足而況人乎此民之所以囂囂苦不足也身
寵而載高位家溫而食厚祿因乘富貴之資力以與民
爭利於下民安能如之哉是故衆其奴婢多其牛羊廣
其田宅博其產業畜其委積務此而亡已以迫蹙民
日朶月削寢以大窮

按原本無安所繆盭以下
至此當是脫落今補入

富者奢

侈羨溢貧者窮急愁苦窮急愁苦而上不救則民不樂
生民不樂生尚不避死安能避罪此刑罰之所以蕃而

姦邪不可勝者也故受祿之家食祿而已不與民爭業
然後利可均布而民可家足此上天之理而亦太古之
道天子之所宜法以為制大夫之所當循以為行也故
公儀子相魯之其家見織帛怒而出其妻食於舍而茹
葵愠而拔其葵曰吾已食祿又奪園夫紅女利虐古之
賢人君子在列位者皆如是是故下高其行而從其教
民化其廉而不貪鄙及至周室之衰其卿大夫緩於誼
而急於利亡推讓之風而有爭田之訟故詩人疾而刺

之曰節彼南山惟石巖巖赫赫師尹民具爾瞻爾好誼則民鄉仁而俗善爾好利則民好邪而俗敗由是觀之天子大夫者下民之所視效遠方之所四面而內望也近者視而放之遠者望而效之豈可以居賢人之位而

為庶人行哉

考異曰仲舒對策傳不著年唯本紀載於元光元年下又云公孫宏出馬按宏傳武

帝初即位招賢良文學士是時宏年六十以賢良徵為博士元狩二年宏年八十終丞相位自元狩逆數至武帝即位之初蓋二十年則宏之初舉賢良其在建元元年明矣至於復徵又元光五年也本紀云公孫宏出馬殊誤今不取司馬公通鑑併董仲舒疑以為不當列於此年謂舉孝廉在十一月對策在五月如此豈得謂自

仲舒發之遂移於建元元年今以仲舒策考之移於元年與當時事勢殊不合仲舒曰今臨政而願治七十餘歲矣漢興至建元之元方六十七年不應以為七十餘歲也至元光之元乃七十三年故可云爾又曰并有天下海內莫不率服夜郎康居殊方萬里說德歸義武帝建元之初亦無通夜郎之事考地理志建元六年開犍為郡即夜郎地夜郎以建元六年通故次年對策及此也然則漢書紀載於元光元年得之矣故荀紀從焉或曰審如此舉孝廉何為在十一月對策何為在五月以愚度之或史氏誤載固未可知或傳流之遠顛倒失次亦未可知或未變太初歷前之月日史氏偶失未改遂用已改之例倒之亦未可知蓋漢初以夏十月為正月十一月為二月終於九月為十二月及武帝改太初歷用夏正史氏紀蓋恐其與改月日澗併追改以前月耳舉孝廉之十一月意者當時之八月也對策之五月意者當時之二月也史氏既失於追改遂用前例以十一

月列於前耳不然武帝故事何以先載仲舒對策而始以舉孝廉繼之耶或又曰仲舒傳載對策畢為江都相中廢為中大夫又云遼東高廟災仲舒推說其意主父偃竊奏之仲舒由是得罪二災在建元六年使對策在元光元年不應先於建元六年以論災異抵罪也以史考之仲舒所論非當年事也蓋追記耳故仲舒傳云先是遼東高廟災而荀紀亦載遼東高廟災其後董仲舒云云觀此二言則知非建元六年致論明矣史記儒林傳云仲舒自江都相中廢為中大夫居舍著災異之記然則仲舒私家著記因追述二災未可知也今仲舒對策從漢書本紀荀氏漢紀載於此年又依武帝故事以舉孝廉事附焉至於相江都論三仁著災異記以次列焉

初令郡國舉孝廉各一人

通鑑

以仲舒為江都相仲舒

相易王王問仲舒曰粵王句踐與大夫泄庸種蠡謀伐

吳遂滅之孔子稱殷有三仁寡人亦以為粵有三仁桓公決疑於管仲寡人決疑於君仲舒對曰臣愚不足以奉大對聞昔者魯君問柳下惠吾欲伐齊何如柳下惠曰不可歸而有憂色曰吾聞伐國不問仁人此言何為至於我哉徒見問耳且猶羞之况設詐以伐吳虜繇此言之粵本無一仁夫仁人者正其誼不謀其利明其道不計其功是以仲尼之門五尺之童羞稱五伯讀曰霸為其先詐力而後仁誼也苟為詐而已故不足稱於大君

子之門也五伯比於他諸侯為賢其比三王猶武夫之與美玉也王曰善仲舒治國以春秋災異之變推陰陽所以錯行故求雨閉諸陽縱諸陰其止雨反是行之一

國未嘗不得所欲中廢為中大夫

仲舒傳

居舍著災異之

記先是遼東高廟災高園便殿火仲舒推說其意以為高廟不當居遼東高園殿不當居陵旁天災若語陛下當今之世視親戚貴屬在諸侯遠正最甚者忍而誅之如吾燔高廟廼可視近臣在國中處旁仄及貴而不正

者忍而誅之如吾燔高園殿廼可云爾在外而不正者雖貴如高廟猶災燔之況諸侯乎在內而不正者雖貴如高園殿猶燔災之況大臣乎此天意也臯在外者天

災外臯在內者天災內燔甚罪當重燔簡罪當輕承天

意之道也上召視諸生示其書有譏刺

漢書五行志史記儒林傳

仲

舒弟子呂步舒不知其師書以為大愚於是下仲舒吏

當死詔赦之仲舒遂不敢復言災異

仲舒傳

六月客星見

于房

天文志

秋七月癸未先晦一日日有蝕之

荀紀

是歲天

星盡搖上問候星者對曰星搖者民勞也

荀紀漢書
天文志

二年冬十月上初至雍郊見五時後常三歲一郊是時
上求神君舍之上林中礪氏觀神君者長陵女子以乳
死見神於先後宛若宛若祠之其室民多往祠平原君
亦往祠其後子孫以尊顯上厚禮置祠之內中聞其言
不見其人云亳人謬忌奏祠太一方曰天神貴者太一
太一佐曰五帝古者天子以春秋祭太一東南郊用太
牢七日為壇開八通之鬼道於是天子令太祝立其祠

長安東南郊常奉祠如忌方其後人有上書言古者天子三年壹用太牢祠神三天一地一太一天子許之令太祝領祠之於忌太一壇上如其方後人復有言古者天子常以春解祠祠黃帝用一梟破鏡冥羊用羊祠馬行用一青牡馬太一臯山山君用牛武夷君用乾魚陰陽使者以一牛令祠官領之如其方而祠於忌太一壇旁

封禪書
郊祀志

春鴈門馬邑豪聶壹因大行王恢言匈奴

初和親親信邊可誘以利致之伏兵襲擊必破之道也

上召問公卿曰今欲舉兵攻之何如大行恢對曰陛下雖未言臣固願效之今以陛下之威海內為一天下同任又遣子弟乘邊守塞轉粟輓音晚輸以為之備然匈奴侵盜不已者無它以不恐之故耳臣竊以為擊之便御史大夫韓安國曰不然臣聞高皇帝嘗圍於平城匈奴至者投鞍高如城者數所平城之飢七日不食天下歌之後結和親至今為五世利孝文皇帝又嘗壹擁天下之精兵聚之廣武常谿然終無尺寸之功而天下黔首

無不憂者孝文寤於兵之不可宿故復合和親之約此
二聖之迹足以為效矣臣竊以為勿擊便慨曰不然臣
聞五帝不相襲禮三王不相復

扶目反

樂非故相反也各

因世宜也今邊境數驚士卒傷死中國檣

音衛

車相望此

仁人之所隱也臣故曰擊之使安國曰不然臣聞利不

十者不易業功不百者不變常是以古之人君謀事必

就祖發政占古語重作事也且自三代之盛夷狄不與

讀曰正朔服色非威不能制彊弗能服也以為遠方絕

豫

地不收之民不足煩中國也且匈奴輕疾悍亟

居力反

兵也至如焱

必遙反

風去如收電畜牧為業弧弓射獵逐

獸隨草居處無常難得而制今使邊郡久廢耕織以支

胡之常事其勢不相權也臣故曰勿擊便恢曰不然臣

聞鳳鳥乘於風聖人因於時昔秦繆

讀與穆同

公都雍地方

三百里知時宜之變攻取西戎辟

讀曰闢

地千里并國十

四隴西北地是也及後蒙恬為秦侵胡辟數千里以河

為竟

讀曰境

累石為城樹榆為塞匈奴不敢飲馬於河置

烽燧然後敢牧馬夫匈奴獨可以威服不可以仁畜也
今以中國之盛萬倍之資遣百分之一以攻匈奴譬猶
以彊弩射且潰之癰也必不留行矣若是則北發月氏
支讀曰可得而臣也臣故曰擊之便安國曰不然臣聞之

衝風之衰不能起毛羽彊弩之末力不能入魯縞夫盛
之有衰猶朝之必莫也今將卷甲輕舉深入長毆疾則
糧乏徐則後利不至千里人馬乏食兵法曰遺弋季反人

獲也意者有它繆巧可以禽之則臣不知也不然則未

見深入之利也臣故曰勿擊便恢曰不然夫草木遭霜者不可以風過清水明鏡不可以形逃通方之士不可以文亂今臣言擊之者固非發而深入也將順因單于之欲誘而致之邊吾選梟騎壯士陰伏而處以為之備審遮險阻以為之戒吾執已定或營其左或營其右或當其前或絕其後單于可禽百全必取上曰善廼從恢安國為護軍將軍衛尉李廣為驍騎將軍太僕公孫賀

議韓安國傳 考異曰蓋元年

壹始言之二年議乃決也

夏六月以御史大夫韓

為輕車將軍大行王恢為將屯將軍太中大夫李息為材官將軍將三十萬衆屯馬邑谷中

本紀

諸將皆屬護軍

約單于入馬邑縱兵王恢李息別從代主擊輜重

直用反

陰使聶壹為間闌出物與匈奴交易陽為賣馬邑城以誘單于曰吾能斬馬邑令丞以城降財物可盡得單于愛信以為然而許之於是單于穿塞將十萬騎入武州塞未至馬邑百餘里見畜布野而無人牧者得尉史知漢謀去漢兵追至塞度

徒各反

弗及王恢等皆罷兵匈奴

絕和親攻當路塞往往入盜於漢邊不可勝數

韓安國匈奴傳

太史公曰嚴助朱買臣等招來東甌事兩越江淮之間蕭然煩費矣唐蒙司馬相如開路西南夷鑿

山通道千餘里以廣巴蜀巴蜀之民罷馬彭吳賈

滅朝鮮畧葳州

三字本嚴安傳

置滄海之郡則燕齊之間

靡然發動及王恢設謀馬邑匈奴絕和親侵擾北

邊兵連而不解天下苦其勞而干戈日滋行者齎

居者送中外騷擾而相奉百姓抗弊以巧法財賂

衰耗而不贍入物者補官出貨者除罪選舉陵遲廉耻相冒武力進用法嚴令具興利之臣自此始

也

平準書

上嘗輦至郎署一老郎鬢眉皓白衣服不整上問曰公何時為郎何其老也對曰臣姓顏名駟江都人也以文帝時為郎上曰何其不遇也駟曰文帝好文而臣好武景帝好老而臣尚少陛下好少而臣已老是以三世不遇也上感其言將擢用之韓安國諫曰無才能者託於

不遇陛下如擢用之臣恐名實亂也上弗聽乃用為會

稽都尉

武帝故事考異曰此事見武帝故事不知其時元書於馬邑事後今附是歲之末

三年祁侯繒它坐大射擅罷去免

功臣表案祁侯繒它免史記漢書功臣

表皆作二年此作三年未知何據

